

家言隨記


亨



家言隨記 卷二百錄

卷二

稽古論略



家言隨記

卷二 目錄

一

稽古論略

卷二

家言隨記 卷二百錄

家言隨記卷二

濟南王賢儀麓樵氏書

男鍾霖敬錄孫壽恩校刊

稽古論略

古人看書立程。或志分寸。余橐筆硯食。家貧未賣之書。不能攜之以遊。復不能借。瓶還瓶。牘旁燭下。有書且看。性又善忘。且看且鈔。問附愚見。置諸行笥。亦知看得一尺。未能行得一寸。惟時覺古今人物。常在心目間耳。

人君治天下。計長久。竊惟封建爲最善。周末雖弱。而唇齒相輔。綿綿八百餘載。古今罕比。其次則漢光武中興。誼在宗牒。先主雖疎。亦屬天潢。故享年得周之半。唐變藩鎮。非

家言隨記

卷二

稽古論略

一

相親屬。至跋扈。不能制。後唐雖不忘唐。然朱邪何人。宋太祖。祖鑒唐之弊。杯酒釋權。若此之易。乃禍起外方。浮家海角。無趙氏一塊土。有明建藩。雖云未能永固。然其失在彼。不在此。况蓬

聖朝作賓守官。親親之流。澤豈不遠哉。

周以同異姓作屏翰。固已而周禮。周官周公全副精神。直貫注上下。千古享年長久。亦其宜也。後世治天下。能世守祖宗成法。而權不下移。卽不封建。亦能長久。或言周禮乃漢代書。漢去古未遠。漢儒亦必有依據。

孔叢子。子思謂孟某曰。自大而不修。其所以大不大矣。自

異而不修其所以異不異矣。又曰：禮接於人，人不敢慢，辭交於人，人不敢侮。其唯高遠乎？聖賢相謂，雖不必當面，然所言不似隔世。似孟子受業於子思者。

史記不書孟子生卒。孟譜云：生於周定王三十七年四月初二日，當卽今二月二日，卒於赧王二十六年正月十五日。卽今十月十五。壽八十四。孟仲子名罈，乃子也。四十五代孫名甯，嘗見一書於嶧山道人曰：公孫子內有仲子問一篇，乃知仲子實孟子之子。從學於公孫丑，惜忘其書名。見七修類稿。孟子父孟孫激，公宜蓋名宜，字激公也。或云名激，字公宜。孟子母仇氏，齊之後同掌。

家言隨記

卷二 稽古論略

二

宋仁宗至和二年春三月，改封孔子後世，願爲衍聖公。衍聖公之號始此。初，龔文宣公太常博士祖無擇言：祖謚不可加，後嗣乃改封世襲論者，謂無擇有功聖門。

鄭耕老勸學篇云：今取六經及論孟孝經之字計之。毛詩三萬九千一百二十四字，尚書二萬五千七百字，周禮四萬五千八百六字，禮記九萬九千二十字，周易二萬四千二百七字，春秋左氏傳一十九萬六千八百四十五字，論語一萬二千七百字，孟子三萬四千六百八十五字，孝經一千九百三字，九經合四十八萬四千九百五十五字。以中才爲率，若日誦三百字，不過四年半可畢。卽資質稍鈍，日誦

百○五○十○字○亦○九○年○可○畢○熟○而○溫○之○永○不○忘○矣○後○生○勉○之○
有○力○之○家○子○弟○讀○書○不○過○十○年○十○年○之○中○又○學○詩○文○雜○業○
一○朝○成○名○便○置○書○高○閣○日○營○外○務○若○急○求○食○者○不○過○數○年○
學○堂○便○分○心○時○事○迨○知○學○疎○仍○不○自○勵○可○惜○可○歎○才○無○論○
高○下○若○刻○意○讀○書○隨○處○是○學○不○成○大○名○必○爲○飽○學○吾○深○恨○
二○十○歲○後○至○今○悠○悠○忽○忽○棄○了○光○陰○後○人○當○痛○省○也○

朱子教人分年紀東坡教人分事讀史東萊教人

分月紀典皆可奉爲要訣 顧亭林先生十三經皆

背誦每年用三箇月溫理餘月用以知新 鍾霖

北斗有魁星祀梓潼神以魁附者以文昌六星斗極所戴

家言隨記 卷二 稽古論略

三

命祿將相具備於中司是柄者日取士子之行以爲陰騭
文昌星名以孝友之張仲應之固宜陰騭文十七世爲士
大夫身必有其實後人乃以張亞子當之未之敢信該餘
叢考言之甚詳 梓潼縣名人云令梓潼也

李榕村云讀書不專務博須是奏成一堆天上星萬一千
五百二十若奏起來比月還大因月是一團故光比星大

星何名後人乃一一名之星可見者可數然多衆星

爲一名分而名之能乎就可見者大星旁難辨之星

不知有幾千萬億恐聖人亦有不知者焉 鍾霖

彭祖姓鏤名鏗殷人周末尙存壽八百歲娶婦至七十多

次相傳夏姬服杏金丹壽年七百仙去可與彭祖作對
莊子註西施夏姬也勾踐奉吳非夏南也秦太子異人之
母亦曰夏姬
人皆知趙高指鹿爲馬且以蒲爲肉人不敢言當日之可
畏如此後世所未嘗聞也

世人多重漢玉漢之爲言舍也古人死必用玉而以美者
舍之莊子所謂死何舍珠是也或曰汗也玉入土久則汗
出而多斑今訛以爲漢豈非漢則無玉乎凡出土之玉
多得自葬處人乃以爲古而寶之抑思皆穢物乎夫何如
古書之可寶乎

家言隨記

卷二 稽古論略

四

孟子莊子其字不傳所稱孟子字子輿莊子字子休皆後
人以意取之耳東漢無兩字之名或云王莽之禁相沿
所致皆見續博物志

運期耀卽梁鴻漢書梁鴻因東出關過京師作五噫之歌
上聞而惡之求鴻不得乃易姓運期名耀字侯光與妻子
隱齊魯之間列女傳作侯光

左傳稱聖父叔梁紇叔梁字也紇乃名耳稱百里奚之子
孟明視孟明字也視乃名耳今人署歛每先字後名或本
於此

張子房有勇有智仇復名成善退以保其身千古達人哉

劉誠意大似子房智非不足功非不大而立乎元之本朝
詆元太甚算而多中乃不能容人以喪其身吾不知其所
學如何矣張良之祖名去疾良子名辟疆

伍子胥遭際艱苦因吳復仇雖云不能無過處然亦人子
大快心事論者謂其入楚之日未執費無極及其黨礫肉
戮屍以祭其父兄爲憾考楚平王殺伍奢伍尚父子在昭
公二十年初未言無極之黨若何至二十七年楚郈宛之
難令尹子常以沈尹戌之言殺費無極與鄆將盡滅其族
以說於國定公四年吳師入郢無極之黨早絕矣不然子
胥豈甘心哉

家言隨記

卷二

稽古論略

五

古言夷齊同餓死於首陽山孟子只言伯夷避紂呂氏春
秋伯夷就養於文王未至岐周道卒必有所本王荆公伯
夷論云豈其初因年高不及至周而歿耶抑或未及待武
王而死也含混頗妙見簡齋尺牘

論語音註引春秋少陽篇伯夷姓墨

音

眉名九一名元

字公信叔齊名智字公達夷齊諡也吾衍閒居錄云

孤竹君姓墨名台

音

怡中子名伯遼見孔叢子註

鍾霖

或言蘇秦張儀同好學迭鸞翦髮以相養假食於路見典

墳書掌股間夜寫之過鬼谷子授書二卷言輔時之事

或言趙高爲趙國後思報秦仇官以入秦以滅秦則高爲

子房一流人物。理或有之。

唐元和末蜀有市人趙高李夷簡仕蜀趙高好鬪入獄背滿鏤毗沙天王更欲杖背見天王輒止高乃恃此每為市患李知之大怒以新造筋棒頭就廳叱杖天王盡則已數三十餘不絕經旬日高袒而歷門叫呼修理功德錢

鍾霖

漢光武有布衣交牛牢字君直徵取不至下詔州郡就家存問不答不獨有嚴子陵也。

子陵姓莊避顯帝諱改曰嚴君平亦然京房姓李推律應姓京西華李和恥與逆闖同姓改姓理孫

家言隨記

卷二

稽古論略

六

徵君與西華左令書稱為魯連後一人漁洋先生有

理寒石詩安抱玉恥與祿山同姓賜姓李

鍾霖

三國勸進表漢壽亭侯關某新亭侯張飛桓其謚也先主初假左將軍宜城亭侯印綬後拜章因驛上還乃治成都按漢壽新皆地名古十里一亭魏封高柔為延壽亭侯劉禹錫詩漢壽亭邊野草春

名勝志荊州有漢壽城又云古荊州刺史治有漢壽

亭即關封侯地又湖廣武陵有漢壽晉潘京字世長

武陵漢壽人又四川葭萌縣先主改為漢壽又縣名

在健為鍾霖

是真名士自風流亦不致招禍未有名士學業乃有名士習氣一種名士樣子已討厭惹忌又好爲僻行大言以傲世驕人後漢黨錮之禍皆相激而成也惟郭林宗雖亦好名然不爲危言刻論故能超然而不傷

呂氏中日寇丁之黨小人攻君子也呂范之黨君子攻小人也元祐所謂黨則以君子攻君子也元祐所以轉爲紹聖始於朋黨成於調停

人知楊震稱關西夫子五代楊凝式字虛白稱關西老人楊震四知桓帝時楊秉爲太尉自謂有三不惑

董仲舒三年不窺園何休十七年不窺門作春秋解詁董

家言隨記

卷二 稽古論略

七

作春秋繁露宋程文簡大昌作演繁露高文虎之子似孫尙少作繁露詁多程所未及程盛稱之而心實不能堪

甯我負人勿人負我曹操語甯人負我勿我負人陸贄語曹操初拜議郎告歸鄉里築室城外春夏讀書秋冬弋獵

以自娛樂操年三十舉孝廉爲郎除洛陽北部尉繕治

四門懸五色棒於門左右各十餘枚犯者不避豪強棒殺之遷頓邱令操年少自是不凡治世之能臣固非虛評

曹操字孟德隋梁士彥之子亦名操字孟德甘與奸慝相同殊可怪也

科名起於漢孝弟力田賢良方正不拘一格至唐最重科

名目尤多。韋處厚登才識兼優科。吳通玄海州人。舉神童。又擢文辭清麗科。張九齡字子壽。曲江人。公謹玄孫。七歲知屬文。十三獻書刺史王方慶。大嗟賞之。張說一見與通譜系。擢進士。又中道侔伊呂科。

吳通玄舉神童。作秘書正字。劉晏舉神童。亦爲秘書正字。非遽寵之。殆幼令識字以造就之耳。

性嗜不同。有愈出愈奇者。暇閱隨記。聊廣識見。文王嗜菖

蒲。武王嗜鮑魚。曾嗜羊棗。屈到嗜芟。國語有嗜芟篇王莽嗜鰓

魚。曹操亦嗜鮑魚。王右軍嗜牛心炙。陳後主嗜驢肉。魏徵

嗜醋。芹嗜尙皆近情。南史劉邕乃嗜瘡痂。孟靈休瘡痂落

家言隨記

卷二 稽古論略

者。邕取食之。孟大驚。悉視未落者。飽邕。邕嗣南康郡公。郡吏二百許人。不問有罪無罪。互鞭結痂。常以給僮。唐權長孺令福建。嗜人爪甲。將詣都。狂士蔣傳翦步健及傭保雞爪甲數兩。餞送之。權如千金之惠。連撮嗽之。合坐皆驚。唐劍南東川節度鮮于叔明嗜臭蟲。時謂之蟠蟲。每得三五升。浮溫水以抽其氣。蓋以酥及五味煎之。捲餅而啖。云味大佳。宋明帝嗜蜜蟻。每啖數升。

生性難移。卽能變化。而有時仍露其本來。漢高祖詐者也。爲亭長大言欺人。戮長吏竊其官。臆日粗。雖量能包楚。所圖者大而分我杯羹。心皓亡矣。比得天下於凶暴之餘。

卽未暇丕變以仁而僞遊雲夢謀及婦人聖王固如是乎
是以誅戮功臣詐心畢露身死而亂亦作焉
漢之初興卽議鼎足其後終以鼎足結局
世謂明太祖與漢高頗相類皆本性之不純者
漢得天下事半功倍之時也故文帝之世稱治
英傑生而異人况帝王乎呂公善相奇高祖狀貌妻以女
得爲后可謂知矣然明於知壻而昧於知女第知生女而
得富貴不知其危劉氏而呂氏殲焉是擇壻以滅族也吾
不知其家教何如矣

漢文帝欲作露臺名匠計之直百金曰中人十家之產也

家言隨記

卷二 稽古論略

九

遂止亦云儉矣及信新垣平賜累千金寵鄒通賞累鉅萬
又賜銅山俾自鼓鑄不靳小而忘大乎而後世頌文帝爲
有道主謂能與民休息減田租求賢安邊德洽乎民雖偶
有失德無傷於治余謂文帝知節用而愛人也知與其有
聚歛之臣甯有盜臣也
席豐履厚則侈侈則禍繼之漢武帝英主也承祖宗締造
而猜忌驕飾好大喜功侈也少欲金屋藏嬌館陶就飲名
主人翁不以爲怪侈則淫淫則亂巫蠱作乃築宮思子何
益焉黨錮旋興而盛戚移祚皆侈心釀之也持盈保泰人
君所當朝夕警焉

以疎遜之臣事英忌之主乃以談諧爲諍諫而避世金馬
門東方曼倩明哲哉十洲三島使君超然興慕正如傅姬
爲虛炫言悅童主不禁鼓掌躍足慙慙然聽而根究之也
然辟戟直兵賣珠兒終不得宣室飲帝亦涌之東方蓋諳
而正者時幸鳳閣是觀新山之論土籍諸嶽五合是
化家爲國秦王啟之及得天下又經百戰殲蕩而來固早
望氣得之高祖爲天下大計而主器以賢何致坐視同氣
喋血宮庭哉吾嘗反覆思之而莫解焉之固始報之然
納元吉妃楊氏納壽王妃亦楊氏宮中而披翠裘軍中旋
黠雙陸女禍稱戎延而至芒碭販徒始墟唐社幸也

家言隨記

卷二 稽古論略

十

明皇鋤韋亂復宗社亦何英偉開元之中端拱太平無何
月夕花晨逞淫競侈以中外又安之天下付之腹劍肉刀
之手而罔顧鬻老內宮並一力士且逐之固敬肆之機所
係而前後判若兩人若此之甚亦有莫解者焉

明皇幸蜀代宗幸陝德宗幸奉天僖宗幸成都昭宗
幸成都幸鳳翔明皇釀祿山之亂止謀諸楊氏倉皇
遠出後嗣遂沿爲故事獨不思人君舉動天下環而
伺者先事不防臨事又不與老成熟計其何以對臣
庶又何以責諸臣之自全者 鍾霖

國當強盛輒好大喜功開疆拓地以張聲教積久勢弛元

氣○日○耗○邊○隙○日○生○棄○之○則○損○威○顧○之○則○難○繼○終○日○疲○於○糜○費○而○莫○可○如○何○務○名○而○害○實○吾○於○唐○平○西○突○厥○而○歎○人○主○之○未○熟○籌○也○徐○惠○之○曰○地○廣○非○久○安○之○術○人○勞○乃○易○亂○之○源○誠○有○識○見○之○言○

玉○莽○許○人○也○忍○人○也○忍○於○再○殺○其○子○以○行○其○詐○是○孰○不○可○忍○乎○其○女○非○之○其○姑○痛○詈○之○賢○於○莽○遠○矣○

稽○瑗○莽○女○為○漢○平○帝○后○劉○氏○廢○卽○稱○疾○莽○欲○嫁○之○不○肯○莽○怒○奮○軍○敗○投○火○死○曹○操○女○為○獻○帝○后○及○丕○篡○遣○使○求○璽○后○怒○盡○絕○抵○之○軒○下○涕○泣○橫○流○歎○皇○天○不○祚○莽○操○逆○臣○乃○皆○有○稱○有○賢○女○明○姚○廣○孝○乃○亦○有○賢○姊○與○莽○姑○同○

鍾素中願

家言隨記

卷二 稽古論略

十一

蘇○武○在○匈○奴○十○九○年○世○皆○知○之○同○武○在○匈○奴○者○有○中○郎○將○張○勝○假○吏○常○惠○等○勝○為○匈○奴○所○害○後○隨○武○還○者○九○人○常○惠○徐○聖○趙○終○根○惠○以○功○封○長○羅○侯○其○餘○六○人○姓○名○不○傳○世○知○蘇○武○少○言○常○惠○者○徐○趙○更○無○聞○焉○良○可○慨○也○

在○匈○奴○有○十○年○不○失○漢○節○者○張○騫○使○月○支○道○為○匈○奴○王○所○得○十○年○後○乃○得○逃○趙○破○奴○與○匈○奴○戰○為○所○獲○在○匈○奴○十○年○後○與○子○定○國○逃○歸○

鍾素

漢○大○將○軍○由○女○寵○進○身○者○三○人○武○帝○時○衛○青○父○鄭○季○給○事○平○陽○侯○家○與○衛○媼○通○生○青○故○冒○姓○衛○氏○為○平○陽○主○騎○奴○衛○媼○先○有○女○子○夫○為○主○家○謳○者○得○幸○於○帝○立○為○后○青○以○后○同

母弟見用爲大將軍。封長平侯。平陽主寡青尙焉。霍去病父仲儒先與衛子夫之姊少兒通。生去病。以皇后姊見用爲驃騎將軍。封冠軍侯。李廣利女弟本倡家子。得幸於帝。爲李夫人。廣利爲貳師將軍。伐大宛。得其王毋寡頭。以歸封海西侯。衛媼一失節。僕婦生男。爲大將軍。生女長君。孺嫁公孫賀官。至丞相。次少兒生去病子。夫且爲皇后。去病異母弟光。又因去病官顯。封侯。人敬我而倨。受之尊長。師弟間則可施之平等。非其人則怒深焉。孔明拜龐德公於牀下。德公直受。而孔明安之。梁松拜馬伏波於牀下。伏波直受。而松銜之。招身後之禍。賢

家言隨記

卷二 稽古論略

三

不肖相去。若此。君子之處。小人愈敬。我愈不可忽也。孔明以天下才。乃解佐一隅。不遑啟處。中年鞠瘁。以死。僅爭正統於強弩之末。未嘗不掩卷而嘆息也。

陳壽撰三國志。凡六十五篇。時稱有良史才。惟以魏爲正統。謂諸葛才不逮管蕭。將略非所長。議者少之。或謂壽父爲馬謖參軍。謖爲諸葛所誅。其父亦坐被髡。故於亮有憾焉。不知帝魏正。所以尊晉。司馬出師。魏命之也。使將略擅長。則巾幗不遺。而司馬爲不能軍矣。史臣迴護本朝。觀其通焉。可矣。壽上諸葛文集。表進而擬諸周召之列。其推服諸葛。固在言外。

壽師同郡譙周嘗謂之曰承祚必以才學成名當被
損折非不幸也後不附黃皓屢被譴黜遭父喪有疾
使婢丸藥客訝之咸生貶議沈滯有年果如周言然
終以文章名世爲夏侯湛張華推重焉

或云魏丁儀丁廙皆有盛名壽謂其子可覓斛米

見與當爲尊公作佳傳丁不與竟不爲立傳鍾霖

每見世稱葛亮馬遷方朔馬相如複姓去首字未知何本
竊覺未安若葛亮其先葛氏本瑯邪諸縣人後徙陽都其
地先有葛姓乃以諸葛別之遂以爲姓稱以葛亮尙可若
司馬東方何以截開余恐爲識者所笑故臨文不敢從

家言隨記 卷二 稽古論略

袁紹得一玉印於曹坐中舉向其肘曹笑而惡之余每想
當時紹之淺態以戒後人

三國吳潘璋字文珪東郡發干人卽今堂邑縣博蕩嗜酒貧好

賒酤債家至輒言後豪富相遷後拜右將軍人當貧時爲

債所迫答以富必相還多不相信可歎而亦可笑也

用兵立軍市亦善法也潘文珪與魏將夏侯尙戰尙分兵

三萬作浮橋潘束葦作大筏若干萬順流燒斷之尙敗所

領兵馬數千止頓常如萬人駐必立軍市他軍亦皆仰取

咸稱其便然非治軍有律不能也

曹操小字阿瞞唐明皇在宮中亦自稱阿瞞嘗謂秦國夫

人曰阿瞞樂籍幸得供奉夫人請一纏頭秦國曰豈有大唐天子阿姨無錢耶乃出三百萬爲一局

漢高欲易太子張良爲呂后畫策致四皓於牀前模模糊糊令人不可信亦如宋太祖之燭影斧聲模模糊糊千古

疑團

陳情表李密稱祖母劉闕三國志註密之祖名光密之子名興一名安見王隱晉書

蜀記晉鎮南將軍劉宏至隆中觀孔明故宅立碣表

不閤命太傅掾犍爲李興爲文卽密子也

鍾霖

孔明妻黃承彥女也黃頭黑色而才堪相配鄉里爲之語

家言隨記

卷二 稽古論略

十四

曰莫作孔明擇婦只得阿承醜女以風流名士而得醜婦初不聞孔明有厭妻事固在德不在貌也

許允妻阮氏賢明而醜允交禮愕然欲遠之桓範勸

入室旋欲出妻捉裾留允允曰婦有四德卿有其幾

阮曰新婦所乏唯容士有百行君有其幾允曰皆備

阮曰士以德爲首君好色不好德何謂備允慙知其

非凡遂相親重生二子曰奇猛

鍾霖

世有幼童亡而其親爲娶人之幼亡女以合葬者謂之冥

婚每備聘匱葬如禮兩家往來極親亦從俗之禮也然古

有行之者魏哀王沖年十三死太祖爲聘甄氏亡女合葬

焉。周禮有嫁殤之禁。是冥婚自古有之。

世有出繼無祖母族氏者。其祖幼亡未娶也。而應試

出仕三代有缺。每以爲憾。則冥婚亦不可少者。鍾霖

幼年有才。年每不永。否則後運多蹇。所謂早顯而未躋也。

鄧哀王冲字蒼舒。五六歲若成人之智。孫權會致大象。王

對魏太祖言。以船載象。去象易如象之物。視船跡。可知其

斤重。太祖大悅。惜年十三卽夭。鍾霖

度繩量水。刻舟稱象。類推可悟衆理。鍾霖

世無龜卜而著筮者亦少。有所謂善相者亦多。中然未有

如相印之奇者。魏許允善相印。允出鎮北將拜印。以不善

使更刻之者三。允曰。印雖始成。然已被辱。問送印者。果墜

於廁。相傳相印法。出於陳長文。長文以語韋仲將。印工楊

利從韋受法。以語許士宗。利以術占吉凶奇中。韋嘗問長

文曰。本出漢世。有相印相笏。又有鷹經。馬經。矢經。印工宗

養。以法語程申伯。故有二十二家相法。今無聞焉。

宋有相手版者。卽相笏也。庾遵敏善此法。王休佑以己手

版云。他人者。庾曰。此板乃貴。然使人多忤。王乃密換褚淵

手版。一日褚於帝前。悞稱下官。帝不悅。

開成中。龍復木無目。善聽聲。揣骨知休咎。亦善相笏。

知官壽。宋祈補闕。有盛名。永樂蕭相居諫署。龍相之。

家言隨記

卷二 稽古論略

謂蕭宰相笏宋長官笏宋忤李朱崖出爲令蕭果爲
相俾龍待詔 以錢占代龜著自漢京房始 鍾霖

平居慷慨談節義臨事乃全忘却皆一時悞於身家重耳
及至名裂身敗家亦不保徒爲人鄙笑晚矣此非有定見
定力不可宋臧質守盱眙復魏主書曰若天地無靈力屈
於爾齎之粉之屠之裂之猶未足以謝本朝詞意激烈生
氣凜然劬瘝之變與諸臣同除凶頑何等作爲乃佐義宣
叛逆奔敗身喪王思政爲魏守潁川誓與城存亡而卒降
齊呂文煥爲宋守襄陽困支五年而卒降敵隋屈突通守
阿中每自摩其頂曰要當爲國家受一刀後亦降唐有志

家言隨記

卷二

稽古論略

六

之士所當權其死之重輕而自奮也

君子處小人要少共事少接談不能不刻刻存小人心以
防之萬勿密之受禍激之受禍焉宋王傅之言曰君子不
幸爲小人所問不能深思遠慮以消小人之勢而痛心疾
首務以口舌爭之事激勢變遂成朋黨之禍
謝太傅東山絲竹聲望日隆潘孟陽娼酒遊山名譽日損
時不同境不同也

齊田單火牛致勝宋王德火牛致敗一在穴城而自障一
在曠野而易返也法同地不同也

人臣險阻艱難委曲保君當以甯武子爲法婉轉諫諍悟

主保身。當以李泌爲法。勳隆望崇。戒慎全終。當以郭子儀爲法。

人知漢高入關約三章之法。每以爲簡。不知民苦秦苛虐。已久故急。除苛歸簡。以暢民心。及定天下。又採前代法度。命蕭何定爲九章律。令用以整齊斯民。豈第三章哉。邠原與鄭康成同里。而邠不肯師鄭。或尤之曰。有登山采王者入海求珠者。各寶其寶。不必同也。吁。此邠所以爲邠。而鄭自若也。

唐婁師德唾面自乾之語。有激而發。幾以爲矯情矣。嘗考其奮自邊鄙。戴紅抹額。與虜戰。入遇。入克。何等英勇。及積

家言隨記

卷二 稽古論略

功至台輔。人謂其遜。以受訶。斷以容愷。忍以待濟。異以遠。間不詭不隨。以功名終。蓋道德中人也。

隋末錢濫薄。至裁皮糊紙爲之。唐高祖武德四年。初行開元通寶錢。十錢爲兩。後世法之。唐代皆用此四字。或謂明皇時錢背有半月痕。爲楊貴妃指印。而開元又與錢字相同。每多未解。不知字仍其舊模。或隨時更造耳。高祖非以開元爲國號。或謂讀開通元寶亦通。

後世錢文用寶字。始此元與圓通。與圓同。今以五十

兩一錠者爲元寶。鍾霖

漢景帝時。郅都爲中尉。行法不避權貴。號爲蒼鷹。然非酷。

吏。唐昭宗時。朱全忠殺昭宗子九人。李振屢不第。深忌搢紳之士。言於全忠。一夕殺裴樞等三十餘人於白馬驛。投屍於河。曰。此輩自謂清流。宜投濁流。時謂之鴟梟。則不若寶喜鵲矣。幕友無流品。或戲謂刑名可用烏鴉。補服錢穀可用喜鵲。補服徵收可用魚鷹。補服官之父則用子規。補服官之婿則用鴿子。補服諛而趣。

婦人有鬚世或有之。然未聞著稱。唐李光弼母有鬚數十莖。長五寸。封韓國夫人。二子光弼。封臨淮王。光進。封武威郡王。宋徽宗時。都城朱氏女。生鬚長六七寸。未聞貴否。智將不如福將。蓋借彼福力成我功名也。宋樞密使狄青。

家言隨記

卷二 稽古論略

次子詠。字子雅。美丰儀。哲宗稱爲人樣子。其體段可想。

國朝楊侯。過春。偉軀端貌。每臨陣。縮長髯作結。則策馬克。

敵軍中。皆稱福將。出師有年。未受一傷。吾歷武星一都關。

偉軀丹面如滿月。英勇鮮匹。咸以福將目之。乃陷身臨清。

然火藥庫死。人言當時顯神異。亦非凡相也。

今人諱老。每用烏鬚藥。仕宦尤甚。乃有少年飾老者。後五。

代南唐烈祖。爲尙書左僕射。年甫三十。自謂非老。無以臨。

衆。因服白髮藥。一夕皓然。

劉禹錫。近來年少。輕前輩。好染髭鬚。作後生。鍾鼎。

世人求子多供張仙。或謂花蓋夫人。假托祀其故主。不知。

實有其人名遠霄五代時遊青城山成道蘇老泉曾夢之
挾二彈射天狗以爲生子之兆奉之果得軾轍有張仙贊

東坡居次兄景卒

景一作景先

見歐陽志

鍾秉

宗二小泉也

世言關公刮骨療毒以爲難周世宗出師至泚橋馬上持
石以供礮人爭持石宋太祖時爲先鋒乘皮船入壽春塚
中賊上連弩矢如椽牙將張瓊以身蔽太祖矢中骸死復
蘇鏃著骨不可出瓊大卮飲酒破骨出之血注自若
詭報邀功自昔已然安祿山反張垠薦王巨有謀略楊國
忠忌之曰人多以口打賊君不爾乎巨曰誰爲公手打賊
者後唐李嗣源獨不表功或問之曰人好以口擊賊我但

家言隨記

卷二 稽古論略

五

以手擊賊耳

許遠張巡守睢陽同死難者有姚閻崇之從孫唐書本紀
尹子奇陷睢陽張巡姚閻許遠同被執見殺初詔拜巡御
史中丞遠侍御史閻吏部郎中後贈巡揚州大都督遠荆
州大都督閻潞州大都督卹典相同不知世何以有雙忠
廟而不立三忠祠

世謂宋太祖欺人寡婦孤兒宋稗類鈔太祖宮中立鐵碑
戒後王無得傷柴氏子孫或謂太祖欲除世宗二小兒似
未確

唐崔郾觀察陝州經月不答一人改鄂岳則嚴法不少貸

一土瘠民勞一地險民悍也柳仲郢爲京兆尹政令嚴明爲河南尹爲政寬惠曰輦轂之下先彈壓郡邑之治本惠養寬猛隨地而異也

逢丑父誑晉紀信誑楚君皆得保明太祖與陳友諒鄱陽戰急韓成服太祖龍袍投水死賊以爲真而退宋史張瑄徐世勣言初爲無賴賊繼爲難當賊後爲佳賊賊而稱佳頗新其子敬業十餘歲好彈射每言此子相不善必赤吾族常隨獵命入林趁獸乘風縱火欲燒殺之敬業知無所避遂屠馬伏腹中火過浴血而立無所傷有其父有其子後果赤族亦父作之耳

家言隨記

卷二 稽古論略

子

五代漢吏部侍郎張允家富而性吝雖妻亦不信自繫衆鑰於帶行如環珮守財虜乃見之天官侍郎一笑言其吝吝與儉不同省所當省曰儉儉爲美德不當省而省曰吝吝未有不鄙者且未有不貪者吝與嗇亦有別嗇者欲出不肯欲用不捨也非儉不能惜福

史記人君賢否從實故不令人君見焉宋李昉宋洪建議復時政記自送史館先進御而後付所司史乃不能有直筆矣

詩咏彤管彤管朱也女史記事之管也古者外朝有國史丙有女史燕私穢褻不能掩藏防微者至矣漢武帝有禁

中起居注。馬皇后撰。明帝起居注。魏晉以來。尙有其職。皆近侍之臣。掌之後。廢。隋王邵請復置女史之班。具錄內事。付於外省。文帝不許。遂止。未聞有議復者。

國朝宮中則例。治內嚴肅。獨隆千古。用宦官無重任。官不過四品。鐵牌鑄例。立法謹嚴。三代以來。所未有也。

惟口與戎。人皆知戒。而能慎言者。有幾。五代賀若敦。以負氣爲宇文護逼死。臨歿。語其子弼曰。欲平江南而不遂。汝當成吾志。吾以舌死。乃引椎刺弼舌。以志戒。

唐中宗時。宦官用事。竇從一曲意下之。見無鬚者。亦曲意承接。可謂無所不至矣。楊存中人呼爲髯闍。以其多鬚。

家言隨記

卷二 稽古論略

而善逢迎也。

語云。喫虧佔便宜。便宜不可知。却未見喫虧死者。唐朱德容先生。仁軌訓子弟曰。終身讓路。不枉一步。終身讓畔。不失一段。

范華陽曰。天生斯人。苟有聰明正直之資。必將有用於時。不使之汨沒。而終余深信之。惟聰明人皆有之。只不能正直。便汨沒。一生大可惜也。

世言對驢彈琴。未知出自何人。晉郭象翼莊有云。非所明而明之。對牛鼓簧耳。恰對。

世咸言綱鑑。習而不察。殊覺未安。綱者。朱子綱目。鑑者。溫

公通鑑也。謂之鑑。綱則人笑之矣。謂之史鑑。可乎。

盧仝自號玉川子。作客謝井詩云。我縱有神力。爭敢將公歸揚州。惡百姓疑我捲地皮。今言州縣官刮地皮。殆本此。今言人粗俗曰市井。氣平準書註。古人若朝聚井汲水。便將貨物於井邊貨賣。故言市井。不特此。詩云。周禮奔者不禁。非淫奔也。不能及時成禮也。近因逆警多有閭亂而急婚嫁者。不及擇期。或不及備禮。古稱驚婚類此。僞蜀孟昶選民間女子。民間懼其搜擾。皆立求媒伐而嫁之。謂之驚婚。

神鬼奉紙錢楮幣。自唐始。漢以後喪葬皆有瘞錢。後乃鏡紙爲錢。唐王嶼用之。祠廟謂之寓錢。沙漠北地多用楮幣。卽紙錢之類。遼金時並用楮鈔。直以紙代錢矣。

相傳楚蜀間無魚鴨。宴客用木魚漆鴨。今則不然。而陝甘間尙有木魚具食品者。宴畢則洗而懸之。有未見荷花者。亦如南人不知有千人毯帳。北人不知有二萬斛船也。唐路德延爲朱友謙記室。朱行多不謹。路作孩兒詩五十韻。刺之極盡。兒態。朱大怒。沈之黃河。宋張侍郎師錫追次其韻。作老兒詩。不及路詩之工。李義山有驕兒詩。

南朝有驢九錫文。雞九錫文。譏當時官爵之濫也。

孔明寄寓南陽。乃襄陽之南陽墟。非今之南陽府。裴松之

謂在南陽鄧縣者。悞。襄陽有諸葛宅。西有山曰樂山。以諸葛嘗登山鼓琴故名。曰昔曾稱出白。今特稱出曰天。世謂書信曰竹報平安。又謂家書曰竹報。酉陽雜俎。童子寺竹。衛公言北都惟此寺有竹。纔長數尺。令寺綱紀每日報竹平安。後人取平安字。遂稱竹報。袁潛公款美。幼讀桃花源記。時思一至其處而不得。所云漁人太守不知爲誰。偶閱陶潛續搜神記。註南陽劉麟之字子驥。好遊山水。嘗采藥至衡山。深入忘返。見一澗水。有石園二。一閉一開。水深不得渡。太守蓋劉歆。漁人姓黃名道真。此必有所本爲之一快。

家言隨記

卷二 稽古論略

三

東坡遊赤壁。客有吹洞簫者。綿竹道士楊世昌也。明吳寬詩。西飛孤鶴記何詳。有客吹簫楊世昌。黃谷散真。蔡邕子名襲。羊祜乃邕外孫。景獻皇后同母弟。祜有功。將進爵。乞以賜舅子蔡襲。封襲關內侯。世知袁安卧雪。野客叢談。胡定字元安。雪滿其室。縣令遣椽排雪問之。已絕穀。妻子皆卧。可與袁邵公媲美。漢董仲舒。南史亦有董仲舒。魚復侯子響。以董蠻爲僚屬。武帝問之曰。人以蠻名。何得藉。乃改名仲舒。謂今日仲舒。何如。昔日仲舒。對曰。昔仲舒出自私庭。今仲舒出自天。帝固當勝之。

世知向子平婚嫁畢徧遊五嶽多悞爲向禽考漢向長字子平河內人嘗讀損益卦嘆曰吾已知富不如貧貴不如賤但未知死何如耳嫁娶畢勅斷家事勿相關白曰當如我死也遂與同好禽慶俱遊五嶽名山禽慶字子夏北海人王莽時隱居不仕與子平同遊五嶽不知所終

周尺今八寸周禮國中自七尺以及六十野自六尺以至六十有五皆征之古以二歲半爲一尺七尺二十六尺之孤十五五尺之童十歲若五尺以二歲半計之又當是十二歲十五歲則稱六尺晏子身不滿三尺當是二尺四五寸豈成形體殆極言其短耳曹交九尺四寸以長則今七

家言隨記

卷二 稽古論略

一

尺五寸餘 一云晏子身不滿七尺

舉案齊眉世知非几案乃椀字考周禮玉人案十有二寸案盤也史記高祖過趙趙王自將案進食又萬石君對案不食皆盤也盤固可舉也

四月八日爲浴佛日兩般秋雨菴言春秋莊公七年夏四月辛卯夜恒星不見星隕如雨相傳是日爲佛誕辰考辛卯爲四月初五月初八浴佛殆世俗三朝洗兒之說杜甫客耒陽過江大醉落水死玄宗詔求之不得乃言爲白酒牛炙死見劇談

世謂姜太公能治神封神演義頗爲怪妄然亦有所本史

記封禪書八神將太公以來作之。舊唐書禮樂志引六韜武王伐紂雪深丈餘。五車二馬行無轍跡。諸營求謁。武王怪而問焉。太公對曰。此五方之神來受事耳。遂以其名召入各命職事。故今人家門戶多帖太公在此諸神迴避。孟子禹稷當平世。三過其門而不入。禹八年於外。則然。稷不聞有此信手處。大賢不免。或會日。曷日。晉雨。欲。淮南子。荆軻。西刺秦王。高漸離。宋意爲之擊筑。歌於易水之上。宋玉笛賦。亦以荆卿宋意並稱。人多不知宋意。國策。東孟之會。聶政。陽堅。刺相兼君。註。堅。政之副。猶秦武陽也。人多不知陽堅。

家言隨記

卷二

稽古論略

五

關帝之祀。凡有血氣。莫不尊親矣。然五月六月。皆稱爲聖誕。考關侯祖墓碑。侯生於漢桓帝延熹三年庚子六月二十四日。五月十三日。乃侯子平生爲漢靈帝光和元年戊子也。侯夫人胡氏。

或謂五月十三日。乃公單刀赴會日。是日每雨。爲磨刀雨。考三國志。先主自還公安。命關某爭三都。魯肅任益陽相。拒肅邀相見。各駐兵馬百步上。但諸將軍單刀俱會。後蜀割湘水爲界。罷軍。並未言何日也。大受車。俗以初五十四二十三爲月忌。作事不宜。羣碎錄云。三日乃河圖數之中宮五數。五爲君象。故庶民不敢用。

舞雩舞號以祭以求雨也見爾雅釋訓月令仲夏大雩祭求雨也龍見而雩龍星名風乎舞雩祭之地也古書皆卷以黃蘗染紙爲之故名黃卷至唐始爲葉子卽今之書冊古書皆卷故名軸人君服黃自隋始西方稱佛尊之之詞也佛家以孔子爲纏頭佛後漢賈逵頭長博學時人語日間事不休賈長頭秦檜長脚人呼秦長脚唐李紳字公垂短小精悍時呼短李杜牧之亦短小精悍時呼小杜

家言隨記

卷二

稽古論略

美

李師中謂鄞縣王安石眼多白甚似王敦亂天下者必斯人也吳奎謂安石護非自用所爲迂闊萬一用之必紊紀綱人服其先識

歐陽修爲王安石延譽文彥博薦其恬退曾公亮謂真輔相材偽君子可以欺君子也人謂安石直無忌憚之小人溫公對上曰人目安石爲奸邪詆之太過惟不曉事又執拗耳亦尙不足以蔽辜安石何常不好邪

人貴自奮乃能自立季布爲朱家鉗奴衛青爲侯家執役劉彥之爲人擔糞皆致身顯貴邾方回蒼頭能文爲王右軍所愛每稱之於劉真長鮑亨殷曹作楊素家奴未嘗非

名士若唐伯虎後以賺婢才氣所使不足爲訛矣

到溉子名鏡其母夢鏡而生

貧爲人輕而親戚爲甚余謂正可激勵成人劉穆之少貧

不拘檢好往妻家乞食江氏有慶會食畢乞檳榔江兄弟

曰檳榔消食君常飢何忽需此及穆之爲丹陽尹召妻兄

弟曰本不匿怨及醉乃令人以金盤盛檳榔以進之自快

可想然貧當自愛勿爲人輕多此一報也

左思作三都賦人多訾議之思亦不能自信請教於張華

華曰此賦可與兩京媲美然君名未重於世宜求稱揚於

高明之士思因求序於皇甫謐謐大讚賞遂序之於是嘗

家言隨記

卷二 稽古論略

毛

者轉毀爲譽長安慶虬之善賦嘗爲清思賦世人不之

貴也乃託爲司馬相如所作遂大見重於世張霸百二

尚書自藏其名託之古人以傳所傳地里指學圖極精博

自足以傳乃託之東坡呼附驥始顯古人往往而然士無

功業表立於世立言又不足以垂訓區區文字有用以覆

翫蓋甕者亦大幸也

擇人不慎有因文字連類而得禍者人之禍亦文之禍也

得意時當戒之失意時尤當戒之

人壽幾何其可存者名耳而卽羣起而爭焉身後冥冥存

者有幾而當時罔百計圖之南史徐廣傳高平郝紹作晉

中興書以示何法盛法盛有意圖之曰卿名位貴遂不復俟此延譽我寒士無聞於世宜以爲惠紹不與後法盛詣紹竊之他無善本遂行於世皆謂何作也

宋胡忠簡公澹菴謂王倫秦檜孫近劄子並出范公璿筆范親老上疏必有奇禍因取而自上之遂連貶竄朱子謂其疏可與日月爭光謝疊山稱中興奏疏第一借人成名而名俱傳計亦良得

只顧成己之名而忘人國家大事往往然也卽瓊山曰宋世所謂賢人君子者一有議論異同卽便求去國家無事猶可存亡所繫所主不同潔身求去譬如行舟一主帆一

家言隨記

卷二

稽古論略

美

主檣一主篙主人從主帆之言則主檣篙者卽棄而不顧且幸其覆舟以快吾言之不用不知舟覆而俱不能免

登科曰龍虎榜唐歐陽詹與韓愈李觀等同舉進士時稱龍虎榜今山東於榜之兩端畫龍虎文人鄉榜後赴鹿鳴宴歌鹿鳴之什武者曰鷹揚宴武舉榜之兩端畫一鷹一虎或曰熊取英雄意

唐進士雁塔題名以泥金帖報捷卽今之題名錄前朝爲登科錄宋有題名碑袁簡齋云得紹興十八年題名碑朱子爲五甲進士小名沈郎按朱子生於延平之沈溪故名或悞作沈郎

名或悞作沈郎

題名錄初出極可貴日久亦可貴蓋一科必有名人在內也。宋理宗寶祐四年登科錄所以傳者以文文山謝疊山陸秀夫三人足重也。余買乾隆四十三年摺紳時和坤當權漢相爲于敏中劉石菴先生爲閣讀學士紀曉嵐吳穀人兩先生爲編修摺紳首本前載十八省輿地圖。

昔爲人書聯高達夫悞書達天其人祇而懸之李伯敷刺史見之勸其收聯而專函相告到今感愧曾見

時人書聯李延平作延年因亦勸懸聯者收之

鍾霖

離騷無梅花杜詩無海棠劉淵林五恨一鱗多骨二橘酸三尊性冷四海棠無香五曾子固不能詩海棠嶺南者香

家言隨記

卷二

稽古論略

三

前人言之曾守濟南詩極多其他尙夥所云不能詩殆如王荆公言好箇歐九可惜不讀書也或云劉原父語

李鄴侯插架三萬軸古今稱藏書多者必父承休聚書二萬餘卷戒子孫不許書出門有求讀者別院供饌固藏自先世矣

唐李磎字景望自在臺省聚書至萬卷號李書樓李繁藏書最多且善記守括州士皆知學唐代藏書李氏爲著

藏書多者張華載三十車隋嘉則殿書二十七萬卷梁元帝蓄圖書十四萬卷金樓子言聚書八萬卷爲侯景所焚

明應城邊華泉尙書藏書數萬卷有萬卷書樓一夕

盡火髮逆爲亂到處以大板書墊路或與室俱焚阮

芸臺相國藏書最富付之一炬天下惜之

鍾霖

金樓子戒子篇云欲求子孝必先爲慈將責弟悌務念爲友立言篇云行須臾之怒而開終身之禍是忘其身也言善矣乃臺城之圍坐視君父困餓以死復以中國帝王殞烏慢之下言行之不符若此

藏書保書甚難家貧書未賣便是佳子弟然非積德不能積書若誨誦而聽貌則非先入所能料其身後矣唐杜暹藏書每卷題云清俸買來手自校子孫讀之知聖道驚及借人爲不孝人謂所見不達若向若水盡納寶器書畫於

家言隨記

卷二 稽古論略

三

壙內米南宮悉焚法書名畫於生前則更不達矣

衛公子居室聖人稱善以貴能知足也每見富室居必益四鄰以自廣田必購近村以自便極盛難繼有盈必虧初增一物一快後去一物一憾祖父殫力營之子孫隨手鬻之闕閱之門三過而三易主徒來路人之歎古今同慨也李文饒平泉花木記云以吾平泉一草一木與人者非吾子孫歐陽文忠誚其愚有以也

名人釣遊之所後世且爲志美固不必荷鍤之蓬觀

亦不必鑄鼎之永寶也

鍾霖

李文靖公所居甚隘家人勸治第弟維亦屢以言公曰

此爲宰相第。誠隘爲紳士第。則已寬矣。以寬大之第傳之子孫。子孫未必爲宰相。居之不相宜。

宋丞相陳秀公治第於潤州極壯闊。亭塘數百步。第成公疾甚。肩輿一登西樓而已。人謂之三不得。居不得。太大修不得。太費。賣不得。太貴。

獻縣紀文達公居東鄉崔兒莊。公讀書既多。藏書亦富。聞漸散失矣。同治元年壬戌九月望。奉檄赴獻假

館。崔兒莊公舊居古香書屋。滿室書籍。遂止宿。快觀。此回天津復宿。此因留詩贈紀司馬煥。邀公近支有

句不辭終夜力翻閱滿牀書。鍾鏗

家言隨記 卷二 稽古論略

寒士讀書而兼贍家最不易也。單食瓢飲。尚有負郭之田。斷蕭畫粥。亦有供食之人。若然糠照讀。甚至吞紙實腹。無家計。櫻心亦可艱苦。自勵乃上。有待養之母。下多啼飢之弟。謂能專心攻讀乎。所望有力親友。助以成就之。異日厚報焉。此中成全不少也。

晉劉殷幼孤貧。事會祖母。以孝聞。人遺縠帛。受而不謝。直云待後。貴相酬耳。後爲齊王冏軍。諸祭酒皆厚報之。

唐王珪少孤貧。人或餽遺。初無讓。及貴。厚報之。雖已故。必贍其家。與房杜善。其母李喜曰。二客公輔才。汝必貴。余無

富貴。相然。劉王二君固景行行止焉。

唐李泌對德宗曰。命者已然之言。君相造命不當言。命言
命則不復賞善罰惡矣。蕭時文瑀著論非劉孝標辯命
論。謂人稟天地而生。孰云非命。至吉凶禍福亦因人而致。
若一歸於命。非善知命者也。
命之說可信而不可信。惟不得志者。每以命自希而不能。
安命強爭致患。聖賢不言命。未嘗不可以命勸勉。中才
而用其命焉。故祿命之書不廢。

唐呂才祿命論云。文王憂勤損壽。非初值空亡。長平坑降
卒。非俱犯三刑。南陽多近親。非俱當六合。歷陽成湖。不共
河魁。蜀郡炎火。不盡災。阨世固有同建。與祿而貴賤殊域。

家言隨記 卷二 稽古論略

共命若胎。而天壽異科。立言極圓通。余謂居以俟命。為持
身涉世至善之道。

語云。命由我作。福自己求。一意向善。命有因之轉移者。袁
了凡先生立命篇。非虛言也。

何曾日食萬錢。無下箸處。後人謂之曰。繆其子劬。日食二
萬錢。弟等尤甚。永嘉之末。何氏無遺種。李德裕每食一杯
羹。約費三萬錢。雜珠玉寶貝。雄黃朱砂煎汁為之。三煎卽
棄其滓。吾不知其如何滋味。直謚之曰怪可也。

王廣津作相。庭穿一井。將天下寶玉珍珠投其中。汲水以
飲。吾不知其何意。

韋涉厨中所棄者猶值萬錢。宴公侯家。雖極水陸。不下箸。李德裕好飲惠泉。自京至常州。置水遞。虞孝仁伐遼。以駱駝負函盛水。養魚自給。于頓刺襄州。日點山鐙油二千石。吾不知其禍延幾世矣。因果之說。卽先天後天之理。報應之說。卽降祥降殃之理。釋氏非盡虛妄也。惟伊古以來。何以輒轉相報不已。始作之者。因何而成。旣報之後。應已結案。乃有若未結。且又多一重公案者。古今歷歷可考也。

張良佐漢滅秦。報仇心足。赤松從遊。似結一案。或言趙高爲趙後。自宮覆秦於秦。爲奸於趙。爲忠然六國皆滅。只楚

家言隨記

卷二 稽古論略

人一炬。未見他國如何報復。

王莽篡漢。有言爲當道之蛇。報一劍之仇。並言莽死。神化

爲蟒。若黃能然。

齊公子大豕爲害戚夫人。人斃作祟。皆及身。報復最足快人而警世。

曹操牽后逼帝。無不罵爲漢賊者。相傳爲淮陰侯轉世。司馬師入宮。繼后篡逆。同曹而或恕之者。謂報曹應爾也。第未聞何人轉世。有謂司馬氏早蓄異志。乃報太史公腐刑之辱。未知何據。以牛代馬。或亦有說。

趙王倫自加九錫。自稱皇帝。遷惠帝於金墉城。史言

與曹操相同後宋公劉裕自加九錫自進爲王又僞

辭不受旋滅晉直司馬文宣王矣

鍾嶸

楊素謀害太子勇廣乃奪位素旋見勇爲厲驚悸致死
趙普爲宋重臣附會杜太后致太宗得位斧聲可疑兩皇
太子相繼而卒使太祖百戰以得天下子孫莫得世饗而
一悞豈容再悞又致涪陵公憂卒普之罪大矣迨其死也
見諸冤家相逼固應然也

世言宋得天下於寡婦孤兒亦失天下於寡婦孤兒幼君
投海尙不若鄭王宗訓之終於藩服此猶從後日言之當
兄終弟繼疑案不明無何武功王德昭以太宗不悅自殺
家言隨記 卷二 稽古論略 五

興元尹德芳亦鬱鬱以死寡婦孤兒亦正可憐雖曰天命
報亦速矣後封宗室贅舉耳

陳后主後庭歌舞亦自旖旎風流隋文加兵井中同繫恨
恨以死乃阿摩淫侈加甚固應運衰而后主白晝見形
相傳隋煬帝與妃朱貴兒設誓乞世爲夫婦故朱轉生爲
唐明皇煬帝轉生爲玉環七夕私盟猶是當年夙願此亦
理所應然而楊氏傾國誠似楊廣再來

開河記云地宮大鼠爲隋煬帝本命一擊鼠首阿摩卽患
頭痛述其荒淫固應是怪五代以來甫歸一統而煬帝旋
撞壞之鼠爲隋來耶抑與李唐有前因耶

唐太史令李淳風言武氏當代唐殺唐子孫殆盡太宗欲窮治之李言其人已在宮中計其得政年老氣衰或不至甚若殺之再生一人其禍更烈是已明言其人而近在宮中竟未悟及疑殺無辜殆有定數不能逃者或言武后乃李密轉世密築鷲不可並世之概誠與李唐有憾然何至殺其子孫之若是耶單雄信終不降唐又將轉爲何人似必與唐不能釋然

世言李淳風袁天罡占驗若神淳風岐山人貞觀中官太史令製渾天儀正前代得失著法象書七卷父號黃冠子或言卽昭徽也天罡成都人善風鑑奇

家言隨記 卷二 稽古論略 三

中與武后父善見武后卽大驚初不言相李嶠龜息清而貴壽或云李袁同母異父推背圖二人背坐一書一畫作成相視而笑每代各作隱語後世方驗或言明時已顛倒其次使人莫辨百世可知聖人言理沙耶而亡圖讖漸出東漢益信讖學魏高祖太和九年詔自今圖讖秘緯及名孔子閉房記悉焚之留者以大辟論按閉房記乃王世充將謀篡位道士桓法嗣言解圖讖上此記作人持竿驅羊謂一千王也羊楊也世充後敗死讀書質疑謂推背圖乃虛無妖僞之書不足信也當時莫解後則皆知雖驗何益徒亂

人意不如焚之

鍾彙

有唐多英明之君而女禍叠興幾覆宗社皆晉陽宮人啟之於開國之始耳淫之爲害若此

五色綫云安祿山爲磨滅王余謂五家當是五鬼羣起而關唐之天下

蔡京爲魔君下界見錢氏私志相傳京能視日日久不瞬京祖某父準皆七月二十日死洪容齋隨筆京死十二年遠葬皮肉俱消獨心胸上隱起一卍字高二分許如鐫

祿山陷長安用謀臣嚴莊高尙討先以干炬焚元宗史閣初實錄二百卷後敘百不及三四矣高尙與李豬兒刺殺

家言隨記

卷二 稽古論略

美

祿山所謂卽以其人之道還治其人之身楊國忠爲張易之子冒姓楊呼易之爲舅與虢國夫人通勢傾朝野隱亂激變致毀唐室似爲張氏報復者

馬嵬之行陳倉令薛景仙誅國忠妻子及虢國夫人

陳元禮軍士殺國忠並殺韓國夫人秦國夫人

世知楊氏三姨多忽其婿按大姨封韓國夫人婿崔

珣官秘書少監生女爲代宗妃三姨封虢國夫人婿

裴名簡生子微尙代宗女延光公主女爲讓帝男妻

入姨封秦國夫人婿柳澄生子鈞尙長清縣主澄弟

潭尙肅宗女和政公主

鍾彙

世言黃巢爲魔王下界殺人八百萬血流三千里至殺劫完而李存孝者出而收之巢滅存孝亦亡

黃巢曹州人進士不第聚鹽徒爲亂五歲能詩父咏

菊未就巢信口云堪與百花爲總首自然天賜補黃

衣父怪之令再賦又云颯颯西風滿院栽葢寒香冷

蝶難來他年我若爲青帝移共桃花一處開

安祿山亦好作詩咏櫻桃云櫻桃一籃子半青一半

黃一半寄懷王一半寄周贄人言以周贄移上則協

韻安怒曰豈肯使他壓我兒

黃巢不第作亂儂智高發三解不得志乃起兵張元

家言隨記 卷二 稽古論略

三

因殿試被黜徑往西夏或言殿試自此無黜落之士

姚廣孝以通儒僧試禮部題所謂誠其意者一節文

甚不平 黃巢從子浩亦聚衆爲盜號浪蕩軍 鍾霖

韓信爲呂后所害韓侂胄爲楊后所害韓通爲杜后所害

韓震爲謝后所害韓氏著名者乃皆死於婦人

王氏聞見錢黃巢犯關一道人請安康守崔請發黃巢祖

骸於金統水泉源中得一窟有黃腰人舉身自撲而死道

人曰吾爲天下破賊矣巢果滅任卽邊 大綬 令米脂發李

自成祖父墓屍生毛有金色蛇向日欲起皆毀之闖爲鄉

人鋤擊腦破死二事相同天固不容逆賊之成事也

相傳蜀有人廟宿忽聞音樂竊見衆神肅迎一童子舞跳而至。猙獠怖人不辨何爲。第見衆神再三爲世人乞命。童子怒云。不敢違上旨。乞之久始允。擇宥而蜀地則否。風馳以去。宿者默駭。暗尋之。則張獻忠適生果應。童子言蜀遂血碧矣。迨浩劫完而吹簫不用竹。張亦貫胸而死之。甚易。首禱可信。天道固可懼也。

唐末董昌反。以卯年卯月卯日卯時僭號。見吳越備史。元末周子旺反。以寅年寅月寅日寅時僭號。見庚申外紀。報應有及時而見前施之於人者。後乃應之於己。而禍且甚焉。宋袁金盛二帝北狩。青衣天子五國含羞。迨金汴京。

家言隨記

卷二 稽古論略

美

元帥崔立降元。以金王后妃嬪宮車三十七輛。宗室男女五百餘人。盡送青城。元殺梁荆二王及族屬。送后妃等於和林。在道艱楚萬狀。尤甚徽欽之時。史言金太后皇后。閻關和林青衣五國之羞。弗辱於此。嗚呼。天道好還。惟人自召。行善天必報之。以善且倍焉。胡不鑑此而勉爲善乎。青城屬開封府。

五代石晉爲契丹遷於黃龍府。雖至稱孫然。宮女舊臣及控鶴官茶人酒司。仍令從行。金破汴京。太宗廢。

徽欽二帝爲庶人。宗翰以二帝及后妃太子四百七

十餘人。並宋宗室三千餘人。北去。至上京。令二帝以

素服見太廟封徽宗昏德公欽宗重昏侯遷之韓州
給田十五頃俾耕以食雪窖冰天魂游北地木鐙檠
之說亦不可信古人所以痛龍髯之莫攀也黃龍

府在遼東開平衛

鍾霖

傳有神降于華已請于上帝等語或云左氏好奇耳唐僖
宗幸成都高駢殺突將極慘毒一婦人臨刑執手大罵曰
我必訴上帝使汝他日舉家屠滅如我今日後駢在道院
無食秦彥屢敗疑駢厭勝外圍急恐駢黨內應乃殺駢及
其子弟甥姪同坎壀之人固云前婦人之報也

甲寅春逆屠臨清姜子英孝廉毓傑朝服與母子家

家言隨記

卷二

稽古論略

三

人同焚死其友居鄉適假寐見姜朝服云逆賊可恨

行訴上帝使不得還旋爲大兵民團剿截悉滅

鍾霖

天之待人卽其所作令其自受人多弗知警耳宋丁謂銜

寇準拂鬚之嫌發朱能天書妖妄事陷準真宗初不知乃

貶道州太后聽政謂又以朋黨誣貶諸臣準貶雷州司戶

王曾前假準舍謂熟視曾曰居停主人恐亦不免曾幾何

時丁謂令女道士劉德妙穿地得龜此引入禁中假言老

君弟云謂非凡人設像夜醮招納賂遺太后按治貶謂崖

州司戶道出雷州準恐家僮報仇杜門縱博使人以蒸羊

迎謂境上旅舍老嫗亦唾罵之論者稱快至此謂爲秦檜

亦○當○以○頑○鐵○鑄○形○天○理○昭○報○如○是○之○速○雖○然○亦○寇○啟○此○一○
段○公○案○耳○幸○報○謂○以○恕○寬○從○此○解○雖○貶○死○所○而○謚○忠○愍○贈○
萊○國○公○到○今○無○不○知○者○謂○亦○枉○自○爲○小○人○耳○
待○小○人○幸○勿○過○甚○無○怨○無○德○豈○不○甚○善○
有○罪○重○而○未○聞○重○報○顯○快○人○者○或○冥○律○使○亦○受○苦○耶○項○籍○

坑○秦○降○卒○二○十○萬○白○起○坑○趙○降○卒○四○十○八○萬○卽○云○數○定○亦○
極○慘○毒○矣○曹○操○奸○逆○之○雄○其○罪○難○數○有○言○屢○爲○豬○身○以○受○
鬻○割○與○白○起○同○者○亦○理○所○應○有○耳○梁○冀○藉○先○蔭○爲○皇○親○乃○
進○餅○弑○帝○擅○殺○大○臣○如○李○固○杜○喬○田○明○陳○龜○都○絜○及○陳○授○
吳○樹○袁○著○侯○猛○崔○琦○邴○尊○若○爾○人○又○殺○洛○陽○令○呂○放○戚○友○

家言隨記

卷二 稽古論略

罕

坐○死○者○百○餘○人○殺○胡○武○一○家○坐○死○者○六○十○餘○人○族○誅○耿○貴○
人○家○十○餘○人○甚○至○賈○胡○誤○傷○其○兔○坐○死○者○十○餘○人○誅○戮○之○
多○不○可○勝○紀○當○時○竟○莫○敢○誰○何○其○後○僅○以○一○家○償○此○數○百○
人○命○吾○不○知○此○數○百○人○含○冤○地○下○若○何○尋○復○焉○噫○
爭○天○下○者○殺○人○盈○世○固○已○乃○大○業○已○定○而○誅○殺○之○甚○未○有○
慘○於○明○太○祖○者○胡○藍○之○獄○一○則○株○連○被○誅○者○萬○五○千○人○一○
則○株○連○被○誅○者○幾○二○萬○人○以○李○善○長○之○功○傅○友○德○之○勲○宋○
景○濂○之○尊○崇○皆○不○得○其○死○他○如○汪○廣○洋○魏○觀○高○啟○朱○同○蘇○
伯○衡○張○孟○兼○王○彝○楊○基○張○羽○徐○賁○王○行○孫○賁○黃○哲○郭○奎○諸○
文○士○咸○死○於○非○命○翊○命○之○劉○誠○意○且○不○能○保○全○之○雖○云○窮○

治胡黨實亦幸劉之死而藉鋤羣雄當其初起以好殺爲戒行軍有妄屠害者輒色慘沮一旦功成刻忍悉露人謂殺戮功臣似漢高實過之矣聞於傳賢所留老成顧命旋以迂學誤國蔓草除大變伊古開國未有若斯之凶殘者

太祖忌開濟濟卽效郭璞以死且言胡藍二字陰示

天上殆有數在太祖以僧惡僧聚天下之僧埋身削

頭曰坎頭會一僧旋坎旋生因止其理莫解 鍾秉

袁盎人面瘡咸謂有因古今大將多發背疽固由燥勞所致然兵凶戰危所損多矣一將功成萬骨枯可懼哉 吾友患落頭疽卽對口也醫者令靜養誦經省過行善半年

家言隨記

卷二 稽古論略

聖

醫淫依醫言享上壽

世言人受陰刑皮肉青色濟南 督城隍神久著靈應有

鄉民自奔神前號呼受責臀青腫及神氣自定云適忤其父也幽明一理城隍爲正神王法所不及者固應有陰刑

司馬宣王誅王凌後寢疾日見凌來宣王呼曰彥雲緩我身上便有撻處賈逵亦爲祟少日遂薨初凌被執至項城夜呼椽屬與訣曰行年八十身名俱滅命耶遂見害凌過賈逵廟大言曰賈梁道王凌魏之忠臣惟爾有神知之

魏王芳受制於司馬懿王凌爲揚州都督貳於懿謀立楚王彪故懿執之凌固忠於魏然亦漢之董承耳

初未聞阿瞞見承受撻否

鍾霖

語云要知前世因。今生受者。是要知後世因。今生作者。是明白透快。毫無翳障。王安石一生何等行爲。史稱其再相。屢謝病求去。帝益厭之。其子雱性惡。安石殊愛之。凡所爲不近人情。雱實使之。雱死。安石悼慟。久而不忘。嘗恍惚見雱。荷鐵枷。若重囚。遂請以所居爲僧寺。爲雱求救於佛也。旨依所乞。以報本禪寺爲名。額一云報甯禪寺。半山寺是其故宅。安石父子幾禍宋室。雱得早死。無不爲宋幸者。而安石老悖昏憤。若此。鐵枷之荷。尙從輕處也。區區一宅。欲抱佛腳卽救之乎。安石奸而愚者耳。

家言隨記

卷二

譜古論略

聖

廿一史感應錄近時長洲彭氏希涑集刻。歷爲徵實。報應不爽。最足警世。

抱佛腳滇南之南一番國有犯罪應誅者。國主捕之。急奔往寺中抱佛腳。知悔過。願爲僧。王許。貰之。遂髡髮環耳。衣禪衣。故其國爲僧者多見。滇南紀聞。諺云。

閒時不燒香。急來抱佛腳。本此。

鍾霖

史言秦檜有賢後。金兵至淮南。檜曾孫鉅爲蘄州通判。死節。鉅子浚。灑皆從死。當檜柄政。祖父孫三世同領史職。赫耀莫比。不知檜早絕嗣。燴乃其妻兄王暎之子。墳堪等則暎之孫也。丁南湖云。作史者當於檜直書絕嗣。以著大奸。

之報於瘡填改書王瘡王填別自立傳以著冒姓邀榮之惡斯實錄矣

秦檜當國方滋德帥廣東獻衆香燭而待方最厚鄭仲爲蜀宣撫時格天閣工畢鄭送錦地衣一鋪檜命鋪閣不差尺寸乃竟不樂鄭且得罪檜子熺狀元及第全是人力李文肅賀啓云一經教子素欽丞相之賢累月咎兒敢起鄰翁之羨檜大喜汪彥章賀啓云三年而奉詔策固南宮進士之所同一舉而首儒科蓋東閣郎君之未有檜父子大怒汪遂得罪權奸當國處之不慎動輒召禍附而媚之卽幸獲益亦爲人唾罵固不如守分安命也

家言隨記

卷二 稽古論略

聖

世謂秦檜陷岳鄂王莫須有三字定獄當時韓蘄王問檜檜言岳雲與張憲書其事莫須有韓不平曰莫須有三字何以服天下嘗思三字若無有口吻幸輔編年錄作必須有定人大獄亦似模稜竊思檜無錫人當韓相詰其詞必厲檜南音若曰莫須作一頓言莫須如此其事有而已似爲得解史筆記此少作轉折便總不明白

秦無錫之害岳忠武嚴分宜之害楊忠愍無不痛罵之者然岳楊馨香俎豆爲千古傳人秦嚴絕滅遺臭爲萬世罪人岳楊雖阨於當時固當感其成全於沒世也似此善惡昭昭自不必再有果報

秦檜無後固已示報嚴世蕃既誅其後編爲樂戶不

齒民數有况世藍家居不仕睦鄰重友未罹於禍今

之子孫皆其裔也鍾霖

施全爲小校見秦檜所爲忿恨不已刺之不得而死朱子
曰天地正氣忽於施發之袁簡齋有施將軍詩余謂施全
可附金旆堂無雙譜

權奸之肆也漸使早燭而逐之誅之亦何致大壞乃一悞
再悞而終不悟若秦檜若蔡京若賈似道不至負君投海
以完不已宋世可哀甚矣

宋徽宗五月五日生以俗忌移作十月十日乃終不祥

家言隨記 卷二 稽古論略 四

賈似道八月八日生每值生辰四方賀啟以數千計悉令
人謄考以第甲乙一時傳誦爲之紙貴皆諂詞嚙語所謂
文士可想而知幸未著作者姓名

馮瀛王厯相五朝爲世所鄙然天下謂之長者云數十年
無爭奪殺劫爲大陰隲且接人和厚觀其詩云但存方寸
地留與子孫耕又云但知行好事莫要問前程其心可見

矣五代鄭韜厯相十一君傳謂其自少迄老事十一君越
七十載無官謗無私過無賢不肖皆頌之蓋能有濟物救
民之功與馮相類而過之人多知馮而忽鄭馮不得稱無

雙焉 二公雖云相同然不足爲訓

世知馮道爲長樂老不知馮涓爲長樂公

徐英公子敬業馬腹避火馮瀛王子祐聲色豪侈父

不能禁於上前以皮絃彈琵琶號繞殿雷王安石子

秀忽謂父疾蔡京子攸遽脰父脉皆敗類也

鍾霖

邵康節在天津橋聞杜鵑知天下將亂元順帝至正十一

年十一月大都有杜鵑天下將治地氣自北而南北地無

杜鵑史所以書鳥之來孰使之耶

天津橋在洛陽一名洛陽橋元之大都卽今京城上

都卽多倫諾爾

鍾霖

時亂則好者富官貪則暴者強勢盛則鄰莫其火藏多則

家言隨記

卷二 稽古論略

墨

奴利其災石崇劫海客暴富致貴驕縱至於殺身當其初

得重資爲所欲爲何嘗不大快心志乃天欲敗之故極縱

之知奴輩利其財而不早悟紛華靡麗轉瞬一空遠客若

在當如何大快心志

石崇字季倫渤海清河人苞子生於青州故小字齊

奴苞六子崇最小苞臨終分財獨不及崇謂其母曰

此兒大能自得崇有愛婢名翔風買自胡市凡崇得

奇寶惟翔風能別之尤以文詞擅寵不止緣珠也緣

珠有弟子朱緯國色善吹簫崇敗入秦明帝宮後趙

石季龍卽石虎小字棘奴佛圖澄曰殿乎殿乎棘子

成林將壞人衣後石氏爲冉閔滅之前應科試 殷
逆齋宗師考古題伏日賜冰賦卽後趙石氏事季龍

季倫人每忽之 一云棘奴乃冉閔小字

鍾彙

人能多大福分或承先業或獲厚資不知持盈之道恣意
淫侈一旦歸陰萬物將不去只有孽隨身作種種惡受種
種報可不猛醒乎明江南富民沈萬三資財無數爲太祖
所忌或言沈死後遇故友以其富向假冥錢沈曰我何曾
帶得分文來此雖戲談實至理也

沈萬三名富字仲榮行三吳興人元末富甲江南洪

武初每縣人分爲哥畸郎官秀五等家給戶由一紙

家言隨記

卷二 稽古論略

吳

哥最下秀最上每等中又各有等人以萬三秀呼之

其弟名貴以詩諷之云錦衣玉食非爲福檀板金尊

可罷休何事子孫長久計瓦盆盛酒木棉裘萬三不

悟後流雲南死貴隱終南山 水東日記南京洪武

門外中和橋六七里長街乃沈萬三家絡繹石所砌

鍾彙

權奸柄政惡奴焰張主敗而奴亦隨之嚴分宜僕永年號

鶴坡爲世番納賄仕宦有稱義兄弟者張江陵奴游七名

守禮號楚濱仕宦每贈詩文有聯婚者江陵敗子戮籍沒

奴亦隨之 主貴奴驕古今皆然或素好見訪或親友偶

至僕不爲禮。且假令逐客。致啟隙。主尙不知是當。痛戒而時察也。

近見邸報。王小山侍郎劾某宦僕。朦混捐職在某宦家。喪次執客。倨放異常。當請革逐。遞籍嚴加管束。摺內有藍頂貂裘。居然與公卿抗禮。語呼是在出結之內。外官詳查之。鍾霖

天之生人。先具五官。後有八字。乃五官八字。可以定人窮通富貴。往往五官與八字相合而驗。有不驗者。則相隨心轉。人生無數造物。若各爲定之者。偶見畫墁錄。郭忠武使渾瑊洗足。瑊見足下有黑子。捧玩久之。郭問之曰。瑊亦有之。令跣視。笑曰。不及我明耳。後瑊亦貴。謚忠武。明皇雜錄。安祿山初事張韓公。仁愿韓公令洗足。安見足下有黑子。曰。祿山賤人也。兩足皆有黑子。比公色黑而加大。韓公異之。因加寵薦。人之不同。有不在乎相者。

家言隨記

卷二 稽古論略

七

郭汾陽以失機見囚青蓮。特識而救之。祿山以盜羊當刑。主將張守珪壯其言貌。疏請入朝。覆鞠。明皇亦受其欺。天生祿山。以擾唐室。生汾陽。以安唐室。固應有異相。第識安相者。獨郭耳。鍾霖

哥舒翰一名將。惜與楊無敵。勢同而節異。人多不知其死若何。舊唐書。火拔歸仁執翰。送祿山。幽於苑中。殺之。新唐

書廣平王收東京安慶緒挾翰渡河而北及敗乃殺之
牛女星自古在天後人以人實之張騫見織女得支機石
郭子儀七夕至銀州見空中赤光輶車繡帷疑是織女遂
拜祝云願富貴壽考後封汾陽王年九十餘八子七壻孫
數十人至不能辨又晉郭翰姿神秀美月夜庭中忽見少
女曰吾織女也帝命遊人間擇佳偶郭氏有兩見織女者
真耶僞耶

郎官上應列宿况大者乎唐杜鵬舉父夢大碑守者曰宰
相碑已作者金填其字未作者列名因問其子令自看之
記名烏旁曳脚乃名鵬舉與鴻漸父子皆入相唐李藩字
家言隨記

卷二 稽古論略

吳

叔翰卜者胡盧生謂之曰君紗籠中人物後新羅僧言宰
相姓名冥司以紗籠護之恐爲異物所擾果拜相

唐王播字明敷貧客揚州木蘭院隨僧食厭之食後始鐘
播題詩於壁有慚愧闍黎飯後鐘句及出鎮廣陵訪之則
舊題已碧紗籠矣寇萊公典陝日與處士魏野遊僧寺見
舊題公詩用碧紗籠之野詩則塵滿從行官有慧妓拂以
紅袖公笑題詩云世情冷煖由分別何必區區較異同但
得常將紅袖拂也應勝似碧紗籠天成一代偉人必挫折
之而後光明於世蔣穎叔誣歐陽公多醜鄙中使王昭明
覆勘始白猶坐以張氏匱具買田出知滁州范文正如青

天。白。日。猶。有。誣。其。結。中。吏。范。仲。尹。爲。族。弟。者。王。漁。洋。云。堂。上。簾。錢。堂。下。走。小。人。以。讎。歐。陽。有。情。爭。似。無。情。忌。者。以。誣。司。馬。良。由。文。忠。修。史。觸。忌。者。多。文。正。司。馬。疾。惡。太。甚。也。吾。人。立。身。不。可。不。嚴。待。人。則。不。可。太。嚴。或。曰。若。慮。誣。讎。將。爲。鄉。愿。乎。曰。無。私。心。怨。自。少。公。正。而。行。不。能。預。計。誣。讎。况。誣。人。者。久。必。明。愈。可。爲。賢。者。生。色。所。以。秦。無。錫。嚴。分。宜。爲。岳。少。保。楊。忠。愍。功。臣。

文忠不知滁州無醉翁亭記昌黎不謫潮州無潮州俎豆之祀賢者行止皆有關係特假小人播弄之耳

文忠作醉翁亭記後王詔守滁請東坡大書記亭遂

家言隨記

卷二 稽古論略

吳

大著政和中少宰唐恪守滁亦山間作同醉亭自作記書之文忠爲韓魏公作畫錦堂記魏公安陽人

鎮大名卽相州歿後子忠彥以墓在相乞以弟粹彥

監相州酒稅神宗許之公之孫治守相治子肖胄乞侍父疾詔治代父守相徽宗曰韓氏世官於相父子

相代榮事也治又作榮歸堂肖胄又作榮事堂不止

畫錦堂也

齊東野語云趙師畢於韓侂胄山莊作犬吠乃鄭斗所造以報撻武學生之憤如許及之屈膝費士寅之

狗竇大抵皆懷私仇撰造醜詆也

韓文公文驅鱷魚至宋時潮州鱷溪仍有鱷患咸平
中通判陳堯佐率衆捕烹之有戮鱷魚文見嶺南雜
記今粵人有圖說鱷似穿山甲尾長有利鉤掉食人
畜生卵甚多則此魚到今爲患鍾霖

古人每行文於神乞雨緝犯今亦有仿之而驗者蔡忠惠
修萬安橋檄海神而得成奇矣歐陽文忠刻龍岡阡表碑
舟載於熙甯五年五月十三日抵鄱陽湖泊廬山下夜一
叟同五人青衣大帶入舟揖請借觀自言龍也碑入水不
見黃山谷時令泰和以鄉誼爲文檄水神忽空中語曰天
丁押驪龍送永豐沙溪勅賜文儒讀書堂之南龍泉坑而

家言隨記

卷二

稽古論略

辛

交也文忠歸家果見大龜負碑而出龜忽不見山谷檄文
載宋牧仲筠廊偶筆事更奇然文忠非作誑語者莆田天
上天感應不爽而人君爲最捷五季變亂相仍惟後唐明
宗在位八年稱賢主登極年踰六十每夕宮中焚香祝天
願早生聖人爲生民主故宋太祖赤光異香之奇天使應
之宋高宗孝宗每三年大比下詔前夕露天默禱云朝廷
用人止此科舉願天生幾箇好人輔助國家及進殿試策
題臨軒唱名必三日前誠禱於天所以紹興淳熙文人儒
士彬彬在朝祈天之效固如此也

懶殘僧識李鄴侯知金甌卜相皆有天命也人知懶殘而

多忽其名。按僧名明攢。天寶初。衡嶽寺。執役者收衆所餘而食。性懶而食殘。故呼曰懶。殘。書專一日之功。夜止羣牛之下。二十年矣。李讀書寺中。異而潛謁之。僧大詢曰。是將賊我。李益謹已。而撥火出。芋啖之。以半食。李曰。慎勿言。領取十年宰相。後爲虎賺去。不知所終。

自古名人生。必有自唐房瑁爲永禪師。白樂天海中山主。歐陽文忠神清洞主。韓魏公紫府真人。富鄭公崑崙真人。王會。青草堂和尚。東坡。陳右成。禪師。莫蒙。夢東坡。爲紫府押衙。他若荀顛。爲泰山君。劉聰。爲須遮國王。韓禽虎。蔡襄。皆爲閩羅王。諸書所載。定非虛語。惟韓昌黎爲吏部土地。

家言隨記

卷二

稽古論略

五

神似。輕巖。嵩爲杭州養濟院土地。神以其寄食此院。死而祀之。則太便宜。歐陽公名其子曰僧哥。王安石與其子。粵評論世人。屈指謂粵曰。大哥自是一箇可以噴飯。唐崔垂休。得自異僧。乳名緇郎。六次拜相。終爲朱溫殺之。童貫自托於韓魏公所出。梁師成自謂東坡所出。孫覲亦云爲東坡遺子。乃棄婢所生。陽羨孫老得之者。皆不知人間羞恥事也。

輪迴之說。儒者弗言。然古今記載。往往有之。周穆王

爲丹朱。後身韋臯。爲諸葛。後身王曾。爲曾子。後身蘇

軾。爲鄒陽。後身王十朋。爲嚴伯威。後身張方平。爲瑯

瑯寺僧後身張睢陽。武穆爲張桓侯。兩世後身宋高宗爲錢武肅王。後身趙鼎爲李德裕。後身南唐後主爲錢俶。後身眞西山爲草庵。和尚後身史彌遠爲覺闍黎。後身胡濙爲天池僧。後身常遇春爲關壯繆。後身王陽明爲天台僧。後身史閣部爲文信國。後身則再來之說。或亦有之。未可云盡渺茫也。白樂天願爲李義山子。後生子名白老。鍾鼎

晏元憲凡書簡及文牒。不棄一紙。皆積以傳書。雖封皮亦十百爲沓。手持斗熨之。以鐵界尺鎮案上。每讀得一故事。則書一封皮。後批門類錄出。後人當以爲法。

家言隨記 卷二 稽古論略

三

官解多書清慎勤三字。此晉司馬昭訓長史之語。人多忽之。良以典午一代多不滿意耳。又世說註李秉家誡曰。時有長史臨辭出。上曰。爲官當清慎勤。修此三者。何患不治。對曰。慎尤爲重。上以爲然。白雲
官衙牌樓書爾奉爾祿四句。咸知爲宋黃庭堅書戒石銘。頌之州縣刻石者。嘗考之。乃宋太宗書。頌之天下者也。宋史太平興國八年四月。頒外官誠諭辭。卽此。太宗蓋本蜀主孟昶。朕念赤子云云二十四句之中。擇此四句。然較原文簡括矣。歐陽集古錄謂戒石起於明皇。非也。唐明皇有賜諸州刺史題座右詩。

世多以澹泊明志甯靜致遠二句爲諸葛武侯語嘗讀淮南子云非澹泊無以明志非甯靜無以致遠非寬大無以兼愛非慈厚無以懷衆非平正無以制斷武侯節其二句以自見且以戒子耳

道光乙巳春公車北上見涿州城樓聯日邊衝要無

雙地天下煩難第一州多謂前代綸音閱濟南府志

明濟陽縣人王道定任涿州撰書此聯懸城樓星使

絡繹見者皆知牧民之勞永免迎送焉

鍾霖

世謂申韓之書出於理官之明罰勅法而刻者爲之傷恩薄厚或謂戰國時不振於法申韓以名實之說勝之按名

家言隨記

卷二

稽古論略

三

求責嚴刑必誅詳於法律而篤於耕戰惟可以從命而不
可以爲命使遇三代盛世則爲股肱之良遇後世中主亦
足治兵農而營富強若遇始皇二世直喪亡之雄耳申大
梁人爲鄭臣治黃老刑名法家多與韓非同皆著書稱子
韓子嘗稱引申子唐宋以來皆黜韓子而不講吳郡門無
子特表章之而後韓子與諸子並傳宋儒以孔明手寫申
韓書進後主爲病唐子西云申覈名實韓攻事情後主襟
量有餘而智謀不足進以申韓正中其病古文苑載先主
臨終勅後主曰申韓書益人意志可觀誦之孟孝裕問卻
正欲後主知權略故揚誠齋謂後主之觀申韓乃先主之

遺命大抵世以人主貴以權略濟仁恕智略不足徒以仁厚終歸削弱則申韓亦若末世所當法者噫治世以仁不以刻刻以爲治如以毒物攻沈疾亦或得愈元氣大傷奚若頤養濩之保年壽乎申韓皆不見納於人主至不能保身其說能保世乎吾見家誦經傳矣未見家誦申韓也故論今之刑名稱申韓不通之言也

漢武帝時魯人申公培明治亂年八十帝以束帛加璧安車蒲輪迎之問治道對曰爲治不在多言願力行何如耳嘗議明堂等事燕人韓嬰文帝時爲博士官至常山太傅推詩人之意作外傳語頗與齊魯間

家言隨記

卷二

稽古論略

晉

殊其歸則一此亦申韓也然所學者正大

鍾秉

陳字勿軒集周東遷而聖人出宋南渡而文公生余謂漢

唐以來修明聖賢之道者文中子一人而已河汾之曲儼

然洙泗同堂濟濟王佐之才貞觀之政可觀焉文中子曰

董常時有慮焉其餘則動靜慮矣孝哉薛收行無負於神

明不幾顏閔乎又曰魏徵顏冉之器也固亦以四科目之

遭時不偶其教鬱而不行論者責房魏不能揚師之道亦

知道非當時所能顯乎落落天壤作者其誰賢人君子固

皆有文中子在心目也或謂其書模範論語夫論語記聖

人言如天衣無縫字字稱量穩洽若賢者言則間有轉折

矣。然上下千古。能仿論語。亦天壤間不多見之書。

賈瓊問何以息謗。文中子曰。無辨。何以止怒。曰。不爭。固持躬涉世之要道。余思止謗。莫如自修。視無辨。更進焉。不念舊惡。視不爭。更善焉。

文中子言。聞謗而怒。讒之囫也。余謂禍且至。見譽而喜。佞之媒也。余謂毀且至。

唐古之奇。作縣令。箴曰。政不欲猛。刑不欲寬。又曰。不恕而明。不如不明。不通而清。不如不清。是爲練達論。

唐崔仁輔曰。治獄當以仁恕爲本。余謂當以智勇爲用。不智則失之愚昧。不勇則失之因循。仁恕存心。智勇行事。無

家言隨記

卷二

稽古論略

七

往不宜不獨治獄也。

宋周濂溪先生爲南安司理。有犯當不死。轉運使欲深治之。力爭不聽。乃委手版棄官去。曰。如此尙可仕乎。殺人以媚人。吾不爲也。使浯犯得活。盱殺人媚人。或畏人而殺人。皆當棄官去。或棄館去。手版卽今之手本。書職名。稟公事。笏之類也。笏以牙爲貴。木次之。古人書思對命於笏。用以見君。牙笏。一曰象簡。通志云。今錄僕射尙書手版。以紫皮裹之。名曰笏。梁職儀曰。八座尙書以紫紗裹手版。垂白絲於首。公卿但執手版。士林傳曰。陳希烈不便脫笏騎馬。以帛裹。合左右執之。

聖賢爲治並不神奇爲所當爲而已。歷代循良指不勝屈。後人若以良吏不易爲者。今就易爲者言之。宋程明道先生灝調晉城。令隨事以孝弟忠信勸民。度鄉村之遠近爲伍保。使力役相助。急難相恤。窮民無告者必無失所。行旅疾病皆有所養。設鄉校。時親至。召父老與語。兒童所讀書親爲正句讀。民爲社會爲立條約。旌善懲惡。三年民愛之如父母。去之日哭聲震野。觀先生所爲皆人所能行者。爲政者胡弗書此爲榜樣乎。

司馬溫公爲名臣大儒。歿後送葬赴陝。京師爲之罷市。鬻衣致奠。四方畫像以祀。並刻其像印鬻之。復崇祀賢廡。公

家言隨記

卷二 稽古論略

異

之爲人似非人所及矣。考史載公自言平生無過人者。但所爲未嘗有不可對人言者。陝洛間皆化其德。有不善曰君實得勿知之乎。劉安世問一言可以終身行之者。曰其誠乎。問所從入。曰自不妄語入。公之所言如此。似亦人所易能者。然如溫公者幾人哉。

宋程灝字伯淳。洛陽人。世稱明道先生。蓋當時私諡也。考明道宋仁宗年號不知何以不避。漢法真字高卿。扶風郿人。法正之祖。世服其知人。郭正美之曰。立德先生立德。爲先主字法正爲之臣。似亦當避者。

宋李冠字元伯。歷城人。舉進士不第。得同三禮出身。

師事臨淄賈同同歿冠私諡之日明道先生

鍾霖

呂不韋招致時賢作呂氏春秋懸諸國門曰有能增減一
字者予千金大言欺世莫敢可否耳公孫宏著公孫子言
刑名云字值千金亦誇誕耳

朱子云南北史除通鑑所取其餘只是一部好笑的小說

余謂前五代如淫冶小說後五代如劫奪鼓詞

韓文公之孫衮中狀元後人但知布衣方干不知狀元韓
衮王文成公守仁之父華狀元官至太宰後人惟知陽明
不知其父唐人詩云孟簡雖持節襄陽屬浩然人貴自立
不在功名也

家言隨記

卷二 稽古論略

七

張騫遇織女教問嚴君平方知是支機石人知之第未考
君平是王莽時人張騫漢武帝時人習而不察往往如此
鄭蘊武爲相自聞之乃曰歇後鄭五爲相時事可知矣似
其人談慢不稱及相三月虞不協望急引退以讓賢者當
其爲州牧去任盜不敢犯鄭使君庫錢亦大有心人也
士人得位乘時當以培植人材爲要務而鄉里人材尤當
提拔各視其材以爲造就卽或非材亦當始勸勉之而終
周恤之既可爲世用亦可爲一鄉增色自己子弟亦大有
益處宋徐擇之爲相素於鄉人最厚各隨鄉人之材俾見
用於時爲世稱之每見人身居要地必示人曰鄉親一概

不見以表無私。或遇同鄉獲咎爲之籌策。並非徇情。乃反擠之。以示大公。其實私心更甚。

古刺史鎮臣。得自辟其參軍。記室。擇其賢者薦之。於朝。然後大用之。此法最善。行之軍務。需材之時。尤宜。

嘗用秦關百二之言。究未識百二作何解。偶閱顧亭林日

知錄云。古人謂倍爲二。孟子卿祿二大夫是也。秦得百二

言百倍也。齊得十二言十倍也。

韓昌黎諡文公。宋晦翁亦諡文公。竊以爲輕。劉後村有言。

諡古也。複諡非古也。封演云。諡二字者。一字爲文。一字爲

質。初晦翁議諡文忠。後村年十七代其父尙左作駁議。略

家言隨記

卷二 稽古論略

美

云。正文庇民之學。鬱而未伸。著書立言之功。大暢於後。文

忠作諡似矣。而實非有功斯文。謂之文。簡矣。而實合。請以

韓子之諡。諡之。因止。諡文。考古來諡文。正文貞文忠者多

矣。如王安石者。亦諡曰文。其視韓朱二公爲何如耶。唐獨

孤及云。二字不必爲褒。一字不必爲貶。作如是論。可耳。

世多以考亭稱朱文公。周櫟園閩小記。過建陽。見晦翁家

譜。知考亭乃黃氏之亭。五季亂。黃端子稜隨父入閩。見建

陽山水秀麗。遂家焉。子稜有詩。全家都在畫圖間。父歿葬

於三桂里。子稜築亭山半。以望其考。故名考亭。文公居近

其地。世乃以此稱之。是以他人之考稱之也。悖甚矣。

朱子行狀出其婿黃幹手自稱門人

鍾彙

宋太祖生於洛陽夾馬營稱香孩兒營按南京應天寺即夾馬營大中祥符二年以太祖誕生地建寺錫名應天太祖幼時埋石馬於營之巷登極後還鄉發而得之余館臨清武城縣本清河郡屬城北二十里有夾馬營武城人謂宋太祖誕生處非也

史言宋太祖涿州人祖敬為涿州刺史宋南京即歸

德府明洪武時以開封府為北京

鍾彙

志言關公面若重棗史言宋太祖赤面世乃以硃面演之世知識太原公子者有虬髯公不知太原公子亦虬髯也

家言隨記

卷二 稽古論略

堯

藥店榜曰雷公炮製咸言黃帝時之雷公非也陳修園神農本草經讀云雷公名敦劉宋時人著有雷公炮炙論綱目集覽突厥世居金山工於鐵作金山狀似兜鍪其俗呼兜鍪為突厥因為國號按夏曰獯鬻殷曰鬼方周曰玁狁秦漢曰匈奴唐曰突厥宋曰契丹即韃靼也別部小者曰蒙古代宋稱國號曰元其蒙古國言銀也女真號金故以銀號其國

元有蒙古色目之名乃別部降元者謂之色目如漢

宋大人投旂別隸一軍謂之漢軍也

脚色即履歷之意隋虞世基掌選曹納受賄賂多者

超越等倫無者注色而已注色者注其入仕所歷之色也宋末參選者具腳色狀今謂之根腳

元山東鄉試題名碑記至正十年九月二日揭曉得士

蒙古四人色目五人漢人七人備選者十五人

鍾霖

豪俠強盜每稱綠林好漢蓋王莽時王匡等起兵綠林中號綠林兵後世之稱由此

謊報獲賊他處又見殉節邀卹其人尙存不獨今日矣李

義山詩軍令未聞誅馬謖捷書惟是報孫歆王隱晉書杜預伐吳王濬先列孫歆頭而預生送歆洛中大笑

鳴駭躍馬卽響馬也周己有之莊子焉知不爲桀跖嚙矢

家言隨記

卷二

稽古論略

李

嚙音哮卽響箭盜賊先聲也或謂盜馬繫鈴曰響馬非也剃度本佛家事然古人幼亦剃髮韓子嬰兒剔首一人抱之慈母治之啼呼不止宛然今之幼兒剃髮情景惟剃作剔顏氏家訓戒剃而輕浮卽今之修容可見古人年少亦每用剃也第總角不剃或留鬚以前時剃面耳

龍陽君魏王幸臣戰國言與王共船而釣得魚沆說魏王令敢有言美人者族遂專寵或言乃婦人非也庾信嬖蕭

韶資其衣食韶入梁鎮郢州信過之接信甚薄坐青油幕

引信入寔令信對榻有自矜色信怒上牀直視曰官今日

形容大異韶甚慚李義府貌美少爲劉洎馬周所嬖御史

王義發之劉義宗坐門生杜德靈放橫打人免官杜以姿色爲劉所寵也子才以玉貌張雕武稱門生非異事矣世稱姻親曰潘楊蓋楊肇女適潘岳岳懷舊賦爲肇及其子潭作也

陶淵明以妹程喪托辭去官作歸去來詞

禹貢冀州卽今山西八州皆有貢物冀州獨無

楊柳一木也或曰隋煬帝賜柳姓楊非也詩早咏之矣或曰揚起者爲楊柳亦非續博物志江東人通名楊柳楊葉

短柳葉長大葉爲白楊有風聲大葉小而圓曰青楊

梁何妥居白楊巷蕭慎居青楊巷

家言隨記

卷二 稽古論略

空

莫愁宋曾三異云乃古男子神仙隱逸者非女子也楚石

城有莫愁石像男子衣冠見劉向列仙傳

顏師古急就篇有痛無忌本盛國之後姬姓亦奇矣

漢初宦官銀瑤左貂明帝以後則益重改爲金瑤右貂

明官中養貓犬者皆有官名食俸有中貴稱貓老爺

巴圖魯元呼拔都漢言勇也武將有功乃加此勇號元時

漢人賜號拔都者惟史天澤張宏範近年用兵有文職加

此號者然皆加數滿字若某勇巴圖魯則較次

入字柳卽三春柳俗呼三串柳卽三眠柳也一名仙人柳

爾雅天之將雨櫟先知之起氣以應卽此柳也又名觀音

柳所云以枝灑甘露也。

錢有年號始於宋武帝杜佑通典。歷敘古今錢幣之制。載宋武帝孝建初鑄四銖錢。文曰孝建。一邊文曰四銖。

鴻雁傳書乃常惠教漢使者詐言天子射上林雁得蘇武繫帛書於雁足云在大澤牧羊。匈奴因不敢匿武。非真有其事也。元時郝經使宋久拘於真州。買一雁題帛繫足放去。汴民射雁。金明池得之。以進。世祖有詩云。霜落風高恣所如。歸期回首是春初。上林天子援弓繳。窮海羸臣有帛書。後題至元五年九月初一日放。獲者勿殺。國信大使郝經書於真州忠勇營新館。後經得還。是雁真可傳書矣。

家言隨記

卷二 稽古論略

空

雙鯉尺素古人托咏仙家以鴛傳書。唐長安女郭紹

蘭憑梁間雙燕寄書於夫。任宗見開元遺事。鍾霖

有讀太行音杭山為大行山相爭者。傳為戲談。列子五行山

一曰大形山。即大行則讀行如字亦可。

陶元亮愛菊。瑯嬛記曹吳字太虛。武林人慕淵明亦字元

亮。愛種菊無色不備。一日大黃菊心生。紅子如櫻桃。隣女

周年十六。偕女伴來摘食之。乘風去。始悟益菊實也。

戲牡丹。劍斬黃龍。乃宋散仙顏洞賓事。宋又有李洞賓號

李八百。韓湘能開頃刻花。馬湘於刺史馬植座上。以盃覆

土種瓜。頃刻結實。或以為韓事。

阿耨達山名卽崑崙也西北域記烏斯藏西南二千里有
阿耨達山今名岡底斯山懸崖峭壁積雪疑冰山巔清泉
百道名山五千二百七十奉此山爲鼻祖昌邑王云云
耆闍崛對阿耨達見聖教序本梵語卽靈鷲也闍黎亦梵
語謂僧也世乃戲僧爲禿驢其實闍音蛇舍利子卽闍黎
之諧聲也宋世人自稱沙家沙同余亦音蛇余轉而爲余
蓋人自稱余也昔時僧每自稱沙家又訛作衰家亦有自
稱咱家者亦沙家之訛也

余太君或云乃折太君折德展之女見畢秋帆尙書
關中金石記

家言隨記

卷二 稽古論略

奎

世戲呼僧爲禿驢遂戲呼道士爲牛以老子會騎青
牛過函谷關也鍾素

書啟每用薪勞晉荀勗武帝賜食進飯曰此勞薪灼也帝
詢之果用故車腳

白蓮教或云自白蓮社相沿爲邪而起元武宗禁白蓮社
以其邪說惑人毀其祠宇令其人還民籍因白蓮又有
紅蓮之稱未知所自
虎而冠猴而冠又有狗而冠之稱續漢書昌邑王之左右
皆狗而冠也

盧杞藍面宋右司諫丁大全亦藍面與正言陳大方侍御

史胡大昌同除人目之爲三不吠犬。

杜荀鶴字彥之杜牧鎮秋浦妾有孕被逐嫁石棣杜筠而生五代杜四郎自比荀鶴因名杜荀鴨無謂甚矣。

嘗思官曰上任曰任事固是責任之任亦是信任之任然必使之者視其勝任與否且信之者視其任性與否方不負此任官果各能任其任世有不治者乎。

蟻負一粒馬負千斤任之者易之必不可矣強可扛鼎弱只勝衣不擇而任強者甘於弱弱者謬爲強則信任之過也。呂新吾先生云官之所居曰任不惟責任之義聽其便宜信任而責成焉若牽制束縛非任矣與鄙意相合。

家言隨記

卷二 稽古論略

畜

亂離之後非有經濟學問不能勝地方官之任唐僖宗時

東都經亂居民不滿百戶張全義爲河南尹選麾下十八

人可任使者人給一旂一榜謂之屯將使詣十八縣故墟

落中植旂張榜招懷流散勸之樹藝蠲其租稅惟殺人者

死餘則笞杖而已民歸如市數年率皆歸復桑麻蔚然野

無曠土全義明察人不能欺爲政寬簡出見田疇美者下

馬與僚佐觀之召田主勞以酒食有蠶麥善收者或親至

其家悉呼老幼賜以茶綵衣物田荒汗者集眾杖之或訴

乏牛名其鄰里責使助之自是比戶豐實凶年不饑自粵

逆爲患二十餘年民受其害莫安田里瞬轉上元正須集

亡復業俾臻康樂願司民牧者即以此爲善政善教
賭娼藏盜固應嚴治余謂博場藏盜且增盜更或鬻妻孥
壞良幼是當急治者若盜每宿娼正可以娼爲捕盜之區
且地當衝繁更可藉款差從不致生事建中靖國間宗汝
霖令文登同年黃策因上書忤貶道經文登病稍稍牙校
督行甚厲賂緩不許宗使邑之胥魁約飲牙校於營妓日
更主席牙校嗜酒貪色久不出妓戶促之乃行此亦非法
之法第不官明示耳

李振之明府

金聲

令齊河爲衝途所治晏城驛旅店

甚多向多抱琵琶者與莊平等暗諭鄉保弗令妓徒

家言隨記

卷二 稽古論略

壹

云可藉以緝盜並易伺辦差使不爲無見
鍾霖
用兵之道視乎其人蒙馬虎皮曳柴偽遁不必有師承也
五代梁劉鄩襲晉陽潛引兵去城上縛芻爲人乘驢執旗
往來不絕晉主知之已遠去矣曰劉鄩一步千計宋畢再
遇與金戰金以水櫃取勝出兵攻之金大敗又戰日晚以
香料煮豆布地佯敗金人馬飢就食香豆鞭之不前又因
金兵日多難與爭鋒一夕拔營去留旗幟於空營縛羊使
立前足擊鼓比金覺已去數日

宋任福至好水川與夏軍戰道得銀泥合封甚固發之乃
懸哨家鴿百餘飛起福軍未成列夏鐵騎突之且樹鮑老

旗左右伏起福大敗徒韓琦知秦州以未能節制福也
荒無善策億兆民命罄罄待斃擅賑恐干議追賠請賑每
延期莫救卽能辦賑而行之者不善受之者不均甚或假
手沾潤罔顧造孽吁安得如富鄭公之活入五十餘萬造
福無窮也宋慶厯八年河北京東大水流民就食青州鄭
公守青勸所部出粟益以官廩得公私廬舍十餘萬區散
處流民以便薪水官吏自前資待缺寄居者皆給其祿使
卽民所聚還老弱病瘠者廩之書其勞約他日奏請受賞
率五日輒遣人持酒肉飯糗慰藉出於至誠人人盡力山
林陂澤之利可資以生者聽民擅取病死者爲大塚葬之

家言隨記

卷二 稽古論略

奕

日叢塚及麥熟民各以遠近予糧使歸凡活五十餘萬人
募爲兵者萬計前此救災者皆聚民城郭中爲粥食之蒸
爲疫疾及相蹈藉或待哺數日不得粥而仆者不可勝計
名爲救之而實殺之鄭公立法簡盡天下傳以爲式仁宗
聞知遣使褒勞加拜禮部侍郎弼曰救災守臣職也固辭
不受史書稱之後之救荒者當取法焉

萬民罄罄待救如嬰兒失乳啼而將死者此時誠不

易措手然救得一方是一方救得一時是一時官固

當急賑紳士尤當助官以賑道光乙未濰縣大飢丁

杞軒先生

廷模

官工部正印時家居集紳勸資已並

醫產以助分餒而賑擇地以處病者醫藥死者殮埋
晝夜不懈致染疫以卒眾哭失聲紳庶公請坊表入
祀鄉賢同治壬戌其長嗣雲藻署正彝龍亦因兵燹
之後大飢助賑而歿平日敦宗睦族好善樂施邑人
士爲請入孝弟忠義祠 仙家成道以濟世活人爲
第一大功德偶得一聯讀書當百八聲佛號活人勝
廿四考令公鍾霖

末僚謁長官久伺不得通或屢謁不見頗爲難堪然自古
已然晉王坦之與謝安賀郝超遷中書侍郎日旰未通坦
之便欲去安曰不能爲性命忍須臾耶於此見安之度量
家言隨記 卷二 稽古論略 七

宜至太傳也聽鼓靴版當以爲訓

東坡客位假寐詩謁入不得去兀坐如枯株豈惟主
忘客今我亦忘吾同僚不解事愠色見眉須雖無性
命憂且復忍須臾想見久伺欲睡情狀按東坡擢判
官謁鳳翔守陳公弼吏白東坡賢公弼怒因杖吏謁
不得入後公弼屬東坡爲文極爲獎重蓋當時以東
坡年少氣盛故抑之後亦悔使坡公無涵養將拂衣
成隙矣公弼放廢死或謂東坡修怨非也東坡與其
子季常最善屢見於詩並見方山子傳鍾霖
鶯粟花一名米囊花入本草羣芳譜載之海內到處有之

自外洋製爲土。呼鴉片烟。流毒中國。禁之愈嚴。吸者愈衆。海疆不靖。仍半禁半弛。竊謂禁之而居奇害深。莫如弛之。而利少。患消。况內地多於農隙餘地。試種獲利頗敵。洋產花不妨。稼結子爲油。老壳入藥。以中土人食中土物。既鮮受病。且楚弓楚得。不致日耗中土之資於外也。利之所在。冒死以圖。是宜定價收稅。使利日微。而物日僞。若淡巴菰之相習無事焉。不禁而化大患。永無所望。言責者採焉。

東坡竹西寺詩道人勸飲雞蘇水。童子能煎鶯粟湯。註秋種冬生嫩苗作蔬甚佳。子如米可煮粥。又名賽牡丹。錦被花。麗春花。清異錄。昭宗在藩。各賜幕屬法。

家言隨記

卷二 稽古論略

突

乳湯卽此花子所煎。蘇子由藥苗詩。罌小如罌粟。細如粟。研作牛乳。烹爲佛粥。柳槌石鉢。煎以蜜水。便口利喉。調肺養胃。是可食。可藥。宋時如此。唐時可知。惟皆言食子。未聞取汁作膏耳。稱作牛乳。又似成膏者。然未聞害人也。
淡巴菰。烟草也。出呂宋國。卽今菸葉。初貴重。至一馬。易一斤。明末嚴禁私種。亦如今之鴉片。而昌禁貨之者。益多。雖羅重典。弗顧。後則無人不吸。水旱菸亦未見其害人。或言食菸幾如食鹽。荒材僻地皆有之。如收薄稅。亦頗有裨。然近聚斂矣。

又考淡巴近呂宋小國也淡巴菝一日相思草又曰
淡肉果曰擔不歸姚旅露書稱為金絲薰生搗汁可
毒頭益明初始入貢崇禎時立禁嚴厲呂宋人捲菸
草如管燃而吸之名幾世留

今因鴉片為害多服粵東戒烟丸云內有紫背金牛
草為要藥價甚昂後知北省到處有之生秋田稊豆
間及荒陂閒地似藿香鄉人呼老牛草每蕪田荒年
煮去汁可食有煎汁作膏者入鴉片烟則烟敗蓋烟
積腸胃此膏可滌去之剋伐物也多服傷人

鍾霖

葵有數種惟長莖大葉黃花結子如盤者名向日葵日

家言隨記

卷二

稽古論略

突

而轉子可食秋仲始實所云更無柳絮惟有葵花者失考
葵向日人知之淺向月則多不察也本草云淺花隨月而
轉故鏡式象之或云三角者為葵

芟荷並稱多不識芟為何物有贈芟米者若蓮鬚略
短烘之作胡麻香作茶可提氣亦宜作食衢州玉田
間水田偶種之莖似稻歲穫無多每珍焉

鍾霖

芋為蹲鴟多未知所由史記蜀卓氏云岷山之下野有蹲
鴟至死不飢註云芋也芋魁之狀若鴟之蹲坐也 蕓亦
類芋亦出自蜀故又曰蕓蕓濟南呼紅蕓白蕓
合葬或言非古皆因檀弓季武子云云也然云魯人之祔

也合之。孔子獨善魯。則合葬亦古矣。古之合葬一槨。後世不便。乃同穴分壙。朱子謂古之槨大可容兩棺。今不能爲大槨。司馬溫公作程夫人墓誌云。蜀人之祔也。同槨而異壙。卽今合葬之式。最爲相宜。

今人多用碑表志。銘因考碑表立於墓上。志銘埋於壙中。碑紀其人。以揚之志。載其事。以名之。皆爲後日計。乃孝子慈孫之用心也。碑立於廟。用以麗牲。葬而用碑。乃壙前立石。以紉繞之。輓轆下棺。故古碑上首有孔。旣葬就石紀功德。書姓名爵里。刻而留於壙中。後則樹碑壙外。納志壙中。或云志卽葬畢堵墓門之石。無壙外之志。有葬後之碑。如

家言隨記

卷二 稽古論略

七

賈魏公碑立於旣葬之明年。溫公銘其兄周卿及昭遠。皆云以葬日近。不暇請志於他人。而自爲銘。是志不可在壙外也。然亦有不及爲志後。乃列於羨道者。如南史裴子野卒。邵陵王作墓志。列於羨道是也。近見某少府先人葬後。爲墓志。引昌黎爲李元寶作志不列墓。嗚呼。人子無不欲志其親者。乃往往力有未能。時有未逮。幽壙旣葬。不可復開。則志而納諸隧道。亦其宜也。

朱竹垞云。古葬令五品以上立碑。以下立碣。

大清通禮載吉凶諸禮最詳。士大夫家皆當知而遵行也。古人合葬。題不書婦。唐宋書法無合葬二字。但言某君墓。

志其妻之禍。則於志中見之。王弼州集中書合葬墓志曰。某君暨配某氏合葬云云。識者非之不可不知。

近世私碑頌德爲例所禁。以沽名要譽者多也。然循吏耆儒爲世欽重。志其德行。以垂世。則後人撥薛拭讀景仰。前徽用昭激勸。亦有不客已者。固有不能全禁者焉。

劉宋時裴松之以私碑有罪。事實上言立碑者宜先上言爲朝議所許。然後得立。庶可防遏無徵顯彰茂實。甚爲有理。請而後立。則僞行難以幸傳。潛德庶可廣播。

古人言非史官不爲人立傳。夫史官正多廣文。亦外史也。若聞望素隆。手筆稱大有藉。其文以傳其人者。亦不必拘家言隨記。

卷二 稽古論略

主

也。古人碑志之文不輕作。近世則幾於無人不用碑志矣。唐荆川云。屠沽細人有一碗飯喫死。後便有一篇墓志。亦流俗之最可笑者。余無片長足錄。一事可稱。然念幸生人世。與草木同腐。感慨係之。倘博一命之贈。用表阡間。後日尙有知爲某代某人者。卽至流爲砧石。亦非不幸也。

宋安定胡翼之先生云。嫁女須勝吾家者。勝吾家則女之事人必敬。必戒。娶婦須不若吾家者。不若吾家則婦之事親必執。婦道此雖未可概論。理則誠是。余謂娶婦乃人第一要事。後嗣之綿延在婦。家道之主持在婦。得其人則一

家可與非其人則一家可敗大有關係所當禮以聘之敬以迎之親以待之容貌裝匱末也

近世鄉俗女家有論財者是應戒而禁之文中子有言婚娶而論財夷虜之道也君子不入其鄉

少年功在讀書老年功在記書記且有勝於讀者學者不可忽也元脫脫一代名臣幼時請於其師吳直方曰使脫脫終日讀書不若日記嘉言善行服之終身

呂居仁童蒙訓云今日記一事明日記一事久則自然貫穿今日辨一理明日辨一理久則自然浹洽今日行一難事明日行一難事久則自然堅固渙然氷釋怡然理順久

家言隨記

卷二 稽古論略

七

自得之非偶然也此實切近之學而聖賢可幾

先嚴以鍾霖記性不好論用日記之功謂積少成多

由淺見深久之自能博學視聰明自怠者遠矣因遵記之獲益實多教人子弟每日功課完時爲講六七

典故訂本書其原委數年之間記本日多居然撐腸拄腹大略典故皆知且時閱不忘若子弟自能日記

所學益博此第讀書餘事而終身有用也鍾霖

來袋儲材古稱賢相歐陽文忠爲翰林常帶一冊見士大夫必問其知交賢才書冊往見果如所言便爲延譽真宰相作用也吾望今之執政者

董仲舒墳在長安人思其德過者下馬謂之下馬陵羊叔子葬峴山南州以其死罷市百姓望碑流涕謂之隋淚碑或言蝦蟆嶺卽下馬陵之訛

士至九儒十丐品極下矣然未有若宋之科禁且習詩賦者得杖刑爲新聞者致和中大臣有不能詩者建言詩爲元祐學術請禁之李彥章爲中丞望風承旨遂上章論淵明李杜以下皆貶之因譴黃張晁秦等請爲科禁諸士庶習詩賦者杖一百著爲律實千古奇談名公鉅卿或不由科第出身則嫉科第甚且致禍此太褊鄙亦往往科第者有以激之皆當切戒也

家言隨記

卷二 稽古論略

七

余前言刑名錢穀亦當試而後延以入幕按宋時有試刑律之法王安石變法立新科明法試律令刑統大義斷案所以待諸科之不能業進士者此法頗善可以專精律學不至濫幕害人亦可造就吏材 又元豐六年國子司業朱服言在學公試律義斷案俱優准吏部試法授官此固學古入官之一法然士子兼肄律學或不能專攻正業且劣生讀書不成反工刀筆不若試幕爲善

文人。才。士。方。未。達。時。每。爲。人。掌。書。記。今。之。書。啟。故。多。翰。苑。人。物。禰。正。平。爲。江。夏。書。記。輕。重。疎。密。皆。得。主。人。所。欲。言。陸。極。掌。官。書。記。奏。石。闕。銘。奉。勅。賜。絹。尹。師。魯。掌。西。都。書。記。錢。

文僖目爲臺閣禁從之選相業如魏徵當爲孝廉特以文
檄賤啟馳譽軍府得入秦邸遂大知遇五代時各國爭延
名士掌書記以光幕府李襲吉爲李克用書記作表請入
觀昭宗大喜朱溫羨之曰李公斗絕一隅乃有此名士魏
博有李山甫華州有李巨川荆南有鄭準鳳翔有王起錢
塘有羅隱此皆卓卓著聞者若鹿門家信之稿識者奉爲
片羽吉光况燕許大手筆乎
詞章有不貴文而貴質者亦當視其人以爲文也五代彭
城王義康問袁淑之年答曰鄧仲華拜袞之歲陸機入洛
之年義康曰身不讀書勿作才語

家言隨記

卷二 稽古論略

書

嘗聞有掘得銀錢致富者或非其應得亦卽變爲他物云
有命定焉李景讓母鄭氏於宅後得錢盈船封而不取曰
願諸孤學問有成不願得此范文正公少貧讀書山東長
山之黟山寺偶見山後集銀無數初不言比貴寺僧乞修
殿宇乃告其銀處用以成工此皆何等識力

蕭山汪煥曾先生刻有雙節堂庸訓六卷更有益世道之
作有云佳子弟多由母賢實爲名言古今人受母教成就
者多矣如蘇氏兄弟幼時父洵宦學四方太夫人程親授
讀書讀范滂傳慨然太息軾十歲侍側曰若爲滂母許之
乎太夫人曰汝能爲滂吾不能爲滂母耶軾遂奮厲兄弟

得大成此見軾本傳聞老蘇每責軾文母教讀孟子而文日進故有蘇批孟子誠可作古文讀也

二程夫子父珦善教子母更訓子有方嘗曰子之不肖皆母蔽其過使父不知耳勸多買書擇名師嚴教訓不使優游度日二程父子皆大成母蔽子過二語千古快論余少失怙又重違母教每念此二事而刺心頓足特志之以切示後人父稱曰嚴嚴非朝夕撻罵也要使子輩受繩尺不放肆耳母稱曰慈慈非衣食縱容也要使子輩得成就不廢棄耳

呂新吾先生云繼母之虐嫡妻之妬古今以爲恨者也而

家言隨記 卷二 稽古論略 三

前子不孝丈夫不端則舍而不問焉世情之偏也久矣惟子孝夫端然後繼母嫡妻無辭於姻族矣此持平之論年三十乏嗣而妻妬此妻之大罪若偕好無他而貪色置妾則妬乃妻之當然試思妻若置男妾夫恐不止於妬矣夫多寵無重罪妻私人則不處此則非偏蓋多寵無害妻意一私則有害夫心矣律言爲人後卽承繼也應稱嗣父母不可稱繼父繼父者從母改嫁之夫之稱也承繼之母卽母不能別之曰繼母或有稱生母以別嫡母者亦不可生母者庶母之稱也

間釋律例竊欲有言而未能上達者如再醮不受封重名節也若妾因子封以子貴也如孀而貧苦不得已而爲妾生子貴矣爲妾則封爲再醮則不封矣如買妓爲妾較再醮者甚矣子貴亦封初未聞議其妓也或孀而爲妓妓而爲妾其子貴當何以處

宛平王崇簡冬夜箋記封典有再醮不受封之制爲妻非爲妾也明會典洪武二十六年定凡會祖父母父母會犯姦盜除名等罪及例所封妻非以禮娶或正室係再醮優婢妾並不許申請乃有以母係再醮不請封者殊失考等語夫再醮或非得己而子貴不能請封情何以堪案牘中

家言隨記

卷二 稽古論略

妻

會見及似可以請廣例焉

程子云再醮終是忍飢寒不起亦責備賢者之意然有當原者不可與無羞惡心者比

古有出母已嫁而受封者宋郎中朱壽昌字康叔天長人父異真宗朝爲工部侍郎生數歲父守長安生母劉見忌於嫡被出嫁民黨氏比長以蔭官郡守嫡母喪始知乃棄官尋母刺血寫經散於所經由道上冀達母知求之五十年至同州避雨逆旅見老嫗抱薪自悲呼壽昌不置驚問果母也年七十餘矣生有子女悉迎歸雍州守錢明逸聞於朝破例復其職乃辭就通判河中以便養母母歿痛幾

喪明及葬白鳥巢墓上。初奉母入都。上極嘉獎。封其母長安太君。東坡贈以詩。時李定不持庶母喪。深忌東坡之詩。大清會典載。命婦因子孫封者。並加大字。若會祖。祖父在者不加。

父在其子爲母請封。不加大字。偶見晉天福八年。尙書司門郎中伊偁。父在母封。縣君不加大字。

明嫁母歸。受封者有二。秦和楊文貞公。父早逝。母陳。改適德安。同知羅子理。生大司成璟之祖。京子理。謫死。遼東文貞年十二。卽養母。及京永樂初。文貞官內閣。陳氏累贈一品夫人。復乞恩除京戍籍。

家言隨記

卷二 稽古論略

七

贈禮部尙書張公鑑卒。妻楊氏遺腹子文質。字允中。隨改嫁正統壬戌。文質成進士。其繼父卒。乃迎母歸。並養其異父之弟妹。成化間。楊氏封太夫人。有出婦還葬者。晉卣壺傳。王式繼母前夫終。更適。式父父將死。母言去。及許之。遂終喪。仍還前夫家。前夫子奉養至終。合葬於前夫。

范文正公隨母適長山朱氏。後請歸宗。未聞封母。若何俟考。文正登第時。名朱悅。節度集慶軍。始請更名。歸本宗。傳其復姓表云。志在投秦入境。遂稱張祿。名非霸越。乘舟偶效陶朱。

鍾霖

前寓臨清時聞鄰婦逆其妯乃呼戒其夫內室梁與
諭其婦數年不聞忤聲其姑感謝焉僕從有孝行或
親老遇之加厚郭升山西長治人數歲孤隨叔負販
於河南邠縣忽相失乞食歸德道上遇文怡園參軍
從役至臨清誠實自立有妻子後隨余京寓甘清苦
事可重托余判薊永令司閩時痛母及叔不知耗同
治八年春給資赴邠尋叔不得冒暑涉水越太行步
行數千里至長治憶家所在詢無知者遇八十歲嫗
引至近邠認其母悲喜甚蓋訪卜三十餘年矣叔早
故同族知有後舉相慶爲其母製衣衾留資冬間回

家言隨記

卷二 稽古論略

庚

署

明革除間竊有不能已於言者遺牒從亡雖云定數亦處
之有未善乎當諸王不服弗早善圖乃興削平之議徒因
自焚骨肉心寒勿留殺叔父名矯言耳方正學卓哉偉人
知遇獨隆乃不聞呼嘯相答詩詞以顧命重寄不知行在
激烈創十族之慘何哉論者謂其誤國有以也

緇衣黃冠間關萬里險阻有年後人或言其事多虛

夫惟老佛有難信耳致身錄未可謂虛構也

鍾霖

古今書籍無不可看余最不忍看不欲看者明之碧血錄

蜀碧錄

殿。廷乃出治對。颺之地。乃令腐寺杖殺忠良。慘號血汚。午門乃朝。天下衣冠出入之處。乃令衆臣罰跪。喊冤。此千古未有之奇。君臣可以十年十數年不相見。乃令腐寺傳旨。且數世如此。亦千古未有之奇。

南北朝魏節閔皇帝閉口八年。乃言皆欣然。以為明主亦未有之奇。鍾霖

世稱刺虎者為官人。費氏考明崇禎間。費氏為昭仁宮官婢。為賊得。自稱昭仁主。崇禎生長平昭仁二公主賊獻自成。驗之非是。以賜賊帥羅讓。張宴欲成婚。費氏刃刺羅斃。遂自刎。時諸官人多死者。姓氏不傳。明史謂官人魏氏投河死。殉者

家言隨記 卷二 稽古論略 某

二百餘。而不及費氏。綏寇紀略謂官人費氏刺殺賊將。亦不及魏氏。通鑑集覽則俱載之所刺。非一枝虎也。

一枝虎。乃李自成兄子名過。驍勇善鬪。自成妻韓氏。故娼女。與縣皂淫。自成為銀州驛夫。被裁無賴。為小偷。又為縣官。管枷於市。乃憤殺淫者。與過亡命。投賊闖王高迎祥。自成母呂氏。夢破軍星入懷。生自成。及僭位。封過為亭侯。後自成焚宮殿。奔至定州。被射中左目。往辰州。將與張獻忠合。不得。令過守營。自騎掠食。民爭擊之。陷泥淖。中村民揮鋤。碎其腦。而斃。剝甲裳。見龍衣金印。始知為闖賊。截其首。獻總帥何騰蛟。俎祭烈帝。過逃至黃州。知州許文岐射殺。

之。文岐字我西。仁和人。崇禎甲戌進士。

高迎祥。闖將八隊六爲老張飛。自成居末。後有張獻忠。曹操等十三家。陝撫孫傳庭擒闖王高迎祥。獻俘。賊衆推自成爲闖王。曹操與獻忠等合。自成跣足敗走。商洛至穀城。依獻忠。欲殺自成。爲曹操解釋。自成奔。欲自裁。其子李雙喜止之。後獻忠爲左良玉大敗。投自成。亦欲殺之。修前怨。曹操在坐力止之。以良馬五百疋資獻忠。遂日猖熾。使二賊早滅。何致烈帝殉國。噫。天也。曹操後爲自成殺之。孫傳庭人多謂傳庭非也。闖賊中又有曹賊。世多忽之。崇禎十四年。賊陷河南。鬻割福王。雜鹿脯犒師。名福祿。酒。

家言隨記

卷二 稽古論略

全

世子裸而逃。卽弘光帝稱號南京者也。

河南舉人李巖。故尙書李精白子。原名信。嘗出粟千石活飢民。德之。稱李公子。繩技紅娘子賊重信。強虜去。委身事之。信歸。詣官自囚。飢民殺官劫信。乃投自成。改名巖。牛金星盧氏舉人。以磨勘被斥。介醫生尙綱。爲自成軍師。張三丰。遼東人。名君實。字全一。又字元元。別號保和。容忍。三丰子不飾邊幅。號張儼。偃日行千里。能辟穀。往來無定。成祖遣胡濙求三丰。實訪建文。或云其仙去。

周有八士。四胎所生。千古所無。明嘉靖戊午科舉人顧合璧。聯璧兄弟八人。其父四胎所生。與周同見。弁山堂別集。

周文王百子。因則百斯男。盛稱之也。見諸經傳者。殊不能悉徵實之。漢張倉子。百人。明慶成王。亦子百人。他如趙王彭祖子七十二人。唐棣王琰子五十五人。榮王琬子五十八人。延王賓子三十六人。皆玄宗孫。玄宗亦子三十人。宋徽宗子三十八人。皆罕有者。杜子微子百四十人。更罕聞矣。

朱子治家格言五百一十字。近時崑山朱柏廬先生用純

撰。世誤爲紫陽朱子四時讀書樂。南宋翁森號一瓢者所作。亦多誤爲紫陽朱子。

三字經宋區適子著。

家言隨記

卷二 稽古論略

全

千字文。梁員外散騎常侍周興嗣編次。而有王右軍書者。蓋梁武帝教諸王書。令殷鐵石於右軍書中。榻千字不重者。召興嗣。叶韻四字爲句。一夜編進。鬚髮皆白。賞賜甚厚。右軍孫智永禪師。臨八百本。散在人間。筆禿十瓮。瘞之。號退筆塚。求書者衆。戶限穿。裏以鐵。號鐵門限。

淳化帖有漢章帝書。辰宿列張。至旣集墳典。與興嗣

文頗相同。梁武帝有自製千字文。南史蕭子範亦有

千字文。唐書有演千字文五卷。又周述改千字文首

句。天寶應道云。惟枇杷字依舊。明崇禎時卓珂作

千字頌。拆枇杷字作膳。枇杷素木。夫君秉杷。隋書潘徽

爲萬字文 鍾秉

百家姓不知何人作。以趙爲首。或謂宋時錢塘人作。孫李諸姓皆當時大姓。殊無文理。亦多遺漏。明洪武初。命編修吳沈撰千家姓。得一千九百六十八姓。而尤姓馮姓尙未錄。山東章邱多尤姓。他縣亦有馮姓。馮齊大夫。見廣韻。殆以字爲氏也。明時周九煙有姓氏編。朱王萬壽云云。國朝有孔師闕黨之編。雍正初年。江西新建熊之才。峻運著增補姓氏族譜八卷。附散姓複姓聯綴成文。搜括贍備。各加箋釋。引據典華。首句雍王家國。萬古隆昌。尊揚得體。松柏冷盛。蒲柳秋焦。人謂可媿枇杷晚翠。梧桐早凋。

家言隨記

卷二 稽古論略

全

古萬八千歲。荒渺難稽。是以孔子斷自唐虞。司馬遷不作三皇紀也。大撓作甲子。然上元肇自黃帝。考三代合一千九百六十九年。自帝舜三十九載。中元甲子至。國朝康熙二十三年。上元甲子。凡三千九百一十一年。共五千八百七十年。或云自夏禹八年中元甲子末的。

家嚴看書隨記間附已意。時以爲訓。並令考證久之。成卷因敬錄付梓。弗敢忘焉。有名言摘錄散書各紙。容綜而錄之。鍾秉謹志。



